

序

嗚呼史家之難其莫難於
真偽之辨乎史家之取徵
者有三國史也家史也野
史也於斯三者考覈真偽



鑿鑿如金石然後可以据
事跡定褒貶而今則何如
也自絲綸之簿左右史之
書起居召對之籍化爲煨
燼學士大夫各以已意爲

記注憑几之言可以增損
造膝之語可以竄易死君
亡父欺天罔人而國史僞
自史館之實錄太常之謚
議琬琰獻徵之記載委諸

草莽世臣子弟各以私家
爲掌故執簡之辭不必登
汗青裂麻之奏不必聞朝
著飛頭易舌誣生欺死而
家史僞自貞元之朝士天
寶之父老桑海之遺民一
一皆沈淪竄伏委巷道路
各以胸臆爲信史於是國
故亂於朱紫俗語流爲丹
青循螻蛄以尋鼗傭水母

以寄目黨枯朽雜出於
帝朝求金索米公行其剽
劫才筆之士不自貴重高
文大篇可以數縑邀取鴻
名偉伐可以一醉博易而

野史僞韓退之論史官善
惡隨人憎愛附黨巧造語
言鑿空構立何所承受取
信而可草艸作傳記傳萬
世乎謂予不信則又以人

禍天刑懼之曰若無鬼神
豈可不自心慙愧若有鬼
神將不福人痛哉斯言正
爲今日載筆之良規代斲
之炯鑒也梁溪鄒流綺氏

名家俊民術華佩實耻國
史之淪墜慨狀引爲匹任
先後纂述有成編矣而又
不自滿假以予爲守藏舊
老不擇其矇瞽而問道焉


余敢以兩言進一則曰博
求二則曰虛已夫子作春
秋使子夏行求亦有四國
寶書此博求也其定禮也
一曰吾聞諸老聃再曰吾
聞諸老聃此虛已也太史
公於國語世本虞卿陸賈
之書無不攬採叙荆軻留
侯事徵諸侍醫徵諸畫工
亦此志也具是二者而又

取退之人禍天刑之懼爲
之元龜師保於史也其庶
矣乎鄒子摳衣歛筆自命
野乘未敢棹鞅超乘馳騁
上下于遷固擘壽之間實

斯言也吾有望矣往予領
史局漳浦石齋先生每過
余揚權史事輒移日分夜
就義之日從容語其友曰
虞山尚在國史猶未死也

劫火之後歸老空門每思
亡友墜言輒有冥冥相負
之痛鄒子漳浦之高弟也
卒能網羅纂集以繼其師
之志漳浦雲車風馬在帝
左右監觀陰騭故知恒在
於斯鄒子尚勉之哉嗚呼
鄒子尚慎之哉

石渠舊史虞山蒙叟錢
謙益謹叙



然其漆于前... 式亦... 映即... 亦...

序

王弼... 亦...

王弼州有云千古而有子長也

亦不能成史記子髻時讀之不

覺失笑先子生十年時弼州猶

在所草史料已燁燁映人倘使

得奉漆器相從重以先方山王

本紀鄭澹泉主志傳所就固可
不啻如此啟禎三代蒙霧滛潦
激爲疾霆萬卉甲折間有闕損
今甲申冬年家流綺鄒子起而
任史屬予爲序予竊慨鄒子所
叙先正皆不肖所十之三奉談
笑十之五奉尺一其未嘗望鬚
髻拜堦下者一二耳流綺振筆
蒼雅一往畢肖若葉文忠則海
山鳳翥劉文端則匡廬蠹起徐
文定蒐蒐天人之奧左翼軒而右
湘洲鄒忠介挺遺直之操肩忠

毅而肘文介文采風流文文肅
與董文敏並擅而較嶽嶽冬稜
暑仄姚文毅與張清惠齊驅而
特瀆瀆若夫北寺之對簿東林
之講席鈞黨之波濤及人封疆
之肝腦塗野予未敢謂前數君
子之非顧廚後數君子之非張
許更後數君子之非文陸也君
家贈公我家太僕正使平心品
藻固可責煥山林鐫勒鍾鼎何
忍以後人引嫌遽晦先德至若
陳徵君鍾袁數先輩展冊揚乾

幾謂古人稽厥歲月方知潞鄭
乃香山遺老尤可思者張孝節
亦嘗爲里中先賢立傳今名在
集中與二孝介俱永而彼直粉
榆此兼槐棘尤二十四年間尚
友無窮之感也嗟乎

先皇帝延英時對雖輦轂小臣
咸沾鎬晏一旦萑苻撲天禍集
宮禁此數十公卿俊筮支撐事
變之績縱不足以弭風雨鞏金
湯亦庶幾千古下獲藉手長樂
未央盛事與各名臣縹緗琬琰

再考一代典訓其何患無子長
流綺而子長自命也吾祝其自
庚申以前今甲申而後各有論
著似前左國後班范卓然爲昭
代成書徐出餘晷刪訂宋王以
上蕪謬一補無子長之缺陷而
更不妨旁訖稗官雜綴小品正
復有干寶不患無搜神有義慶
不患無世說千古而有邀靈枯
管大慰弇州先生所期者是在
流綺已

同里年家友弟薛案頓首

同撰平家文策新案題首

恭錄已子長



聲大燭余休



自長亦

不思無世備千古而亦滋靈林

對亦千寶不思無地轉存美觀

更不故勞清野官燕錄少品而

序 謝未無王貴五日八之烈而文大

閒居寡歡汎瀾羣籍上自秦漢下訖

金元廢書而歎曰史才之難也蓋不

一端哉大約編年與紀傳分而紀傳

尤難國史家史與野史分而野史尤

難編年以帝王為主起居有注時政

有記禮樂征伐詔令封拜百司庶職

各具掌故彙如也標歲月按條例卽
可次第成書若紀傳之作所見異辭
所聞異辭所傳聞異辭裨官雜記悉
爲恩怨好惡之私家傳墓碑無非門
生故吏之語折衷旣難表章非易任
國史者地則蘭臺石室人則宰執侍
從紆朱珮玉貴在日月之際而又大

官給筆札郡國上計書尚書之副本
延英之實錄恣所漁獵播管風生述
家史者一姓之譜牒一事之終始一
人之銓除勛伐政事文學卽有盡凌
烟而勒景鐘者首尾瞭如而况高門
華閭芝草醴泉淵源有自舖張易工
者乎若夫以草莽參集賢弘文之著

作以疎遠代孝子慈孫之描畫以耳目有限而欲周山海軒輶之典故以年代不齊而欲綜富府封疆賢奸進退門戶黨部之情態雖三長兼擅十行俱下猶惧莫給予少弄柔翰竊好掌錄舊聞間有撰述未敢問世今年甲申運當鼎革感星辰劍履之傾頹懼滄海桑田之變易且念明之以史事自任紀傳略具者如海鹽吾學編溫陵續藏書晉江名山藏以及史槩年表遠止弘正近亦嘉隆萬曆以來槩秘流傳况於啓禎乃取兩朝名蹟薈萃條列略記所知名曰野乘不列帝后不備表志以別于史也萬曆以

上無聞焉予生也晚非身所親歷恐
傳疑也有斗南重望而歸然靈光不
輕點染以避諛而遠嫌也至蓋棺論
定矣或遺蹟多缺蒐採未遍則以俟
續刻寧詳無簡寧核無訛也其所稱
引或本公車之疏牘或考鉅公之誌
狀或質輿論之口碑或奉先達之緒
論或壇坫周旋郵筒往還得於同人
之評跋尺素之褒訛遲之又久聿告
厥成獨是身不列承明足不窺天祿
萬卷八千學慙通德懷鉛抱槧癖類
子雲殊自笑也雖然龍門氏稱古良
史而掇輯不遺自詩書春秋外雜取
之國策韓非諸家涑水資治最謹嚴

矣十六國春秋開元天寶遺事廣陵
妖亂志鄴侯家傳咸援據焉當吾世
有子長君若實斯編也安知非中流之
一壺狐裘之一腋哉若曰是晉董狐
所掌且比于謀野則獲則吾豈敢
肯歲次甲申梁溪鄒漪流綺撰



凡例

五則

一予樸樵無似雅好讀史初擬自洪永以迄啟禎探
錄先賢嘉言懿行人各立傳備歷朝之大觀佐簪
筆之不逮苦於卷帙浩繁剗削無力斷自辛酉爲
始萬泰以上容次第續編而是集纂輯之始在壬
午春初至甲申冬季刻竣凡先輩之卒于啟禎年
間悉其履歷者咸得登載其或附見後人或并及
後事俱係近日補入以便觀覽至卒於乙酉后者
另列二集不並見云

一○是○集○體○做○紀○傳○別○類○分○門○若○品○節○若○行○誼○若○經○濟○
若○文○學○若○循○良○若○忠○烈○若○義○烈○若○隱○逸○若○孝○友○以○
逮○貞○姬○烈○女○方○外○菟○流○悉○得○表○章○罔○敢○遺○失○雖○云○
才○愧○三○長○差○幸○書○成○一○得○竊○見○近○今○野○史○雜○出○袞○
鉞○丹○黃○家○自○為○政○貪○同○壽○米○固○金○濫○等○沉○編○收○史○
美○言○巧○飾○穢○舌○飛○汗○妄○誇○入○地○上○天○之○能○不○識○人○
非○鬼○責○之○禍○予○用○痛○心○疾○首○矢○乘○虛○公○按○行○必○究○
一○其○詳○據○言○定○覈○其○實○是○非○不○謬○黑○白○井○然○至○人○有○
本○末○品○有○微○彰○外○見○之○賢○奸○易○剖○中○藏○之○真○偽○難○

明○忠○孝○廉○節○非○釣○名○之○資○理○學○文○章○非○掩○惡○之○具○
予○皆○得○而○辨○論○焉○若○夫○皇○甫○之○稱○帝○翼○范○曄○之○傳○
蔡○姬○揆○天○之○藻○非○予○所○取○其○每○卷○中○諸○君○子○列○名○
前○後○一○以○稿○到○之○日○為○次○第○不○論○爵○之○崇○卑○卒○之○
時○日○初○非○有○軒○輕○重○之○分○也○

一○海○內○名○賢○搜○羅○未○徧○者○指○不○勝○屈○掛○一○漏○萬○何○敢○
逃○罪○况○自○北○都○之○變○篇○帙○半○歸○祖○龍○食○貧○之○士○又○
不○克○裹○糧○遠○涉○廣○行○採○訪○且○其○後○人○或○賢○愚○不○一○
往○往○以○紀○載○之○局○視○為○不○急○之○務○卽○如○雲○閣○董○文○

敏玄宰。予曾索行述于長君孟履。竟無一字緘寄。亦無半柬報答。玉峰顧宗伯瑞屏客冬挾刺登門。求教。聞人峻拒。不納。集中所載傳述數言。殊非仰止之意。今先行初刻。聊寄緇衣。隨有續刊。請正同志。或碑誌。或行紀。或詩文。凡在後死者。幸勿吝示。以便登梨。但須郵筒的確。毋至珠玉浮沉。為幸。至於當世名公遺老。清風高節。足以立懦廉頑。不敢遽為立傳。姑俟他日。間或因事類書存。疏議種種。以誌景企。知我者諒不以阿私讓。我耶。

一。予自遭多難。家徒壁立。梨棗之費。悉剜肉補瘡。為之。茲際右文之世。明末舊刻。雖有忌諱。悉之流。行况。予是集。雖刻在前朝。而無關。昭代尚異。大人先生鑒其。

一。是編意本闡幽原。非揚惡。當茗溪史獄方烈。當事大索逆書。恐此刻有干碍。曾將原本。暨明季遺聞。申呈。撫院韓公查驗。無關。憲批存案。及康熙

四年。奉。勅。旨。檢。閱。以。副。史。記。之。實。也。其。後。日。月。如。流。

旨。搜。求。民間。啟。禎。年。間。事。蹟。藏。本。蒙。本。縣。吳。伯。成。父。

母及京口。錢日庵公祖。俱以是刻。申送自撫院。

轉達。禮部以脩史館採錄。知我罪我。世自有鑒。

之者。非予所敢知也。錫無疆。憲此升。案又氣。

康熙丙午秋七月。既望。梁谿。鄒鳳。漪流。綺補。識。

一。與。無。不。關。幽。然。非。財。惡。當。各。窮。史。始。式。然。當。事。

大人。去。坐。盤。其。

計。民。平。具。與。難。除。其。前。時。而。無。關。

之。效。烈。奇。文。之。甘。朋。末。訖。除。而。不。武。斷。送。之。流。

一。下。口。豐。多。機。來。武。量。立。時。之。後。來。微。肉。滿。泰。為。

啓禎野乘一集 目錄

卷一

葉文忠公 向高

劉文端公 一燦

文文肅公 震孟

王莊毅公 紀

孫文介公 慎行

尚書李公 騰芳

馮恭定公 從吾 附錄 羽正

王文肅公 圖

姚文毅公 希孟

趙忠毅公 南星

侍郎王公 之宋

祭部封公

卷二 尚書公 文 目錄

尚書公 文 目錄

侍郎洪公 文衡

尚書汪公 應蛟

總督何公 士晉

祭酒侯公 恪

理少方公 大鎮

尚書陳公 道亨

侍郎蔡公 毅中

都御史陳公 于廷

張清惠公 璋

侍郎葉公 茂才

太宰周公 嘉謨

左都孫公 璋

周文簡公 炳謨

都御史曹公 于汴

尚書余公 懋學

卷三

布政薛公 近克

寶少丁公 元薦

中丞方公 震孺

錄少劉公 元孺 附曹荃

僕少滿公 朝薦

常少侯公 震賜

員外虞公 淳熙

僕少吳公 默呈

總憲馬公 鳴起

太常卿姜公 應麟

侍郎程公 紹

錄少沈公 應奎

錄少安公 希范

鄒忠介公 元標

卷四

常少樊公 玉衡

考功王公 象春

陳文莊公仁錫

侍郎鄒公維璉

侍郎徐公如珂

常卿夏公嘉遇

侍郎公公燕

給事傅公朝佑

給事吳公國華

寺丞倪公元珙

太常陳公幼學

副都馬公鳴世

御史毛公羽捷

御史胡公良機附魏呈潤等

侍郎孫公必顯

卷五

楊忠烈公元連

李忠毅公應昇

左忠毅公光斗

高忠憲公攀龍

繆文貞公昌期

周忠惠公起元

顧裕愍公大章

周忠毅公宗建

魏忠節公大中附子學泖

周忠介公順昌

黃忠端公尊素

周忠毅公朝瑞附袁化中等

僕卿劉公鐸

主事吳公懷賢

萬忠貞公燦

尚書丁公乾學

卷六

常卿蔡公而植

巡撫劉公應遇

巡撫梅公之煥

太僕薛公敷政

尚書劉公榮嗣

尚書沈公演

徐文定公光啓

總督朱公燮元

布政朱公家民

經畧熊公廷弼

文學沈公自徵

文學薄公珏

侍郎李公繼貞

侍郎岳公元聲

僕卿陸公獻明

周忠惠公宗

卷七

尚書李公維禎

顧文莊公起元

董文敏公其昌

文選袁公中道

給事郝公敬

學使鍾公惺

庶常張公溥

副使黃公汝亨

少卿文公翔鳳

學博楊公以任

行人陳公際泰

解元譚公元春

尚書何公喬遠

朱文恪公國楨

中丞蔡公復一

修撰韓公敬

解元陳公山毓

支府宋公敬

卷八

出酒公敬

支府宋公敬

党忠節公 還醇

侍郎宋公 攻

鄧忠毅公 謙

吏部宋公 應亨

盧忠烈公 象昇

鹿忠節公 善繼

張忠烈公 銓

高忠節公 邦佐

經畧袁公 應泰

何忠愍公 應魁

理卿崔公 儒秀

遊擊張公 神武

陳忠烈公 輔堯

侍郎劉公 之綸

學博劉公 廷訓

知府鄧公 藩錫

巡撫高公 名衡

僕少孫公 士美

御史宋公 學朱

卷九

尚書林公 宰

長史米公 萬鍾

知縣劉公 五緯

僕卿譚公 昌言

別駕孫公 朝宁

尚書徐公 從治

太常田公 景猷

張烈愍公 振德 附劉希文等

僕少姬公 文胤

遊擊龔公 萬祿

巡撫王公 三善

遊義王公 佐聖

巡撫王公 附趙士寬

副使王公 孫蘭

僕少石公 有恒

張壯節公 可仕

卷十

賀文忠公

逢聖

劉忠毅公

熙祚

蔡忠烈公

道憲

呂忠節公

維祺

僕卿郝公

景春

僕少徐公

淳

僕卿馬公

如蛟

錄卿廬公

謙

將軍包公

文達

學博龔公

元祥 附姚允恭

知縣龐公

附王端冕

州守尹公

夢鰲 附何寬等

副使樊公

附維城 附許文岐

知縣劉公

振之

總兵鄧公

祖禹

中丞焦公

源清 附南企仲等

廉使黃公

綱

御史王公

與胤 附于士和

卷十一

大尹蕭公

漢

僉事王公

徵

朱忠莊公

之馮

蔡忠襄公

懋德 附應時盛等

周忠武公

遇吉

御史金公

毓峒 附何復等

知縣吳公

從義

僉事畢公

拱辰

范文貞公

景文

倪文正公

元璐

周文節公

鳳翔

劉文正公

理順

凌忠清公

義渠

吳忠節公

麟徵

孟忠貞節愍兩公 兆祥章明

施忠介公 邦曜

卷十二貞公 景文

李忠文公 邦華

馬文忠公 世奇

陳恭愍公 良謨

申節愍公 佳胤

汪文烈公 偉

成忠毅公 德

文公

文公

文公

許忠節公 直

王忠烈公 章

金忠節公 鉉

王忠端公 家彥

吳忠節公 甘來附陳純德等

閣學丘公 瑜

庶常魏公 學濂

巡撫陳公 士奇

卷十三

貢士吳公 桂森

文學姜公 瀉里

烈士張公

太學張公 大同

進士鄭公 元勛

烈士郝公 奇遇

知縣吳公 繼善

文公

孝廉劉公 楚垣

文學易公 道暹附易為璉

蘇州五人

文學許公 琰

孝廉馮公 一第

烈士胡公 光瀚附程龍等

孝介陳公 愚

孝廉張公 民表

孝廉劉公 會昌

秀才殷公 淵

文學姚公 時中

將軍秦公 衍祉

義士石公 電

孝介朱公 陸宜

孝節張公 世偉

趙氏僕公 山

武氏僕公 山

孔小優公 山

卷十四

隱君陳公 元素

徵君陳公 繼儒

隱君趙公 登光

同知王公 在公

文學朱公 鷺

孝烈熊公 兆珪

孝子趙公 仁

孝子彭公 有源

文學萬公 元亨

孝義李公 傳錦

孝義高公 起鳳

孝義郭公 亮

孝子熊公 鼎華

義兄李公 士開

孝端鄒公 谷

萬法師 國樞

鄭術士

憨山大師 德清

三峯大師 法藏

卷十五

吳江陳烈婦

錢塘劉烈女

崑山景烈婦

盱江朱貞女

吳江女仙

高陽孫烈婦

華容嚴烈婦

燕京劉娥

晉江藍明娘

碼山黃烈女

清苑梁烈婦

孝昌萬烈女

商河黃烈女

漢陽孝婦

醴陵唐節婦

松江陳烈婦

無錫浦烈女

枝江王烈女

松滋楊節婦

宜城張烈婦

南昌劉夫人

卷十六

宮中二烈女

蕭山搖烈女

京師張烈婦

長沙女子

無錫吳貞女

黃岡張烈女

同安二烈婦

韓城衛烈婦

武進陸貞女

吳縣史貞婦

吳縣二節婦

京師馬烈婦

吳縣徐節婦

山東丐婦

常熟何烈婦

太倉二節婦

無錫黃節婦

無錫胡節婦

嘉興吳節婦

嘉興高賢母

徽州江節婦

具心女子

卷十六

梁山縣張文

南昌縣夫人

公孫氏

宜興縣張氏

敬頑野乘一集卷一

梁谿鄒滿流綺甫纂

葉文忠傳

公名向高字進卿號臺山福建福清人也生而俊患
 方棘母夫人避外家產於敗厠遂名曰厠東西奔竄
 幾及死者數矣卒不死六歲就外傳稱奇童稍長為
 許令夢熊首拔薦於督學宋儀望以童子應秋試時
 尚○未○聘○許○令○聞○邑○人○俞○氏○有○女○名○俞○令○壻○公○即○公○堂
 治○酒○削○牘○函○幣○成○禮○而○歸○費○皆○令○辦○絕○類○徐○文○貞○受

知○聶○公○豹○事○萬曆己卯舉於鄉○癸未成進士○選庶常○
試即居首○尋丁內外艱○歸已補原職○轉南司業○進中○
允○猶署監事○丁酉典南試○光皇出閣○推侍班官所○
主對句○做寫指次明切○光皇喜見其多髯飄洒○私○
告中貴曰○此飛鬚先生也○己亥陞南禮部右侍郎○時○
李文節郭文毅俱在南相○得甚懽○文毅入爲宗伯○妖○
書事起○四明欲殺文毅○公貽書四明○以風波荆棘爲○
言○遂成顯隙○淹南中凡十二年○然從此聲望日重○丁○
未以禮部尚書入東閣○時朱文懿廢居首揆○與公並○

拜者故相王文肅錫爵于文定○慎行李文節廷機○錫○
爵矢不出○慎行甫拜官○即卒○廷機先爲人所論○劾後○
益困人言○不復入直○廢亦尋沒於位○公遂獨相○屢揭○
請停買辦○救言官司○宛平縣官發邊餉及賑濟銀○
止派龍袍段價○東宮講讀○考選起廢○上或從或否○
然亮公忠正○不爲罪也○其疏有云○時政之壅也○如隔○
食之病○令人困悶而不聊生○議論之煩也○如霍亂之○
病○令人昏憤而不自覺○人以其爲篤論○它密揭目或數○
紙○應手疾書○內臣閣門外立候○頃刻而就○曲盡事情○

上每覽之心開。滿三年加太子太保。改文淵閣。給三代詔命。隨傳旨。促造福王府第。人心始安。黔國莊丁收租。挾勢剽掠。因奏。歸之有司。害乃得蘇。于西北東林。浙閩之爭。及辛亥。京察多所調停。必軌于正。癸丑。特旨命典會試。卽闈中票。旨且增額。示眷公感。至恩深重。於東朝調護尤力。先皇貴妃王氏薨。光宗生母也。喪葬極從優厚。妾男子王曰乾。效妖書。故智撼及宮闈。公聞。具揭。付內臣曰。上問方進。上果震怒。曰。此大事。閣中何以無言。璫應聲以揭。上大約謂小人奸計。當靜以處之。毋爲所動。上覽之。頓霽威。緘疏不問。嘗引景王留邸。皇考危疑爲戒。并以積礦稅與福王爲言。人不及知。旣而上傳福王所請田土錢糧。乃祖宗成例。卿揭言及景王。朕思皇祖時。皇考與景王比肩。而王今名分已定。皇太子又有皇孫。何猜疑之有。卿又言及礦稅。夫此舉爲三殿。非爲福王。宜卽出贊襄。公疏謝聖恩。稠疊。臣當勉出。唯是皇考當時雖名分未正。然講讀不輟。情意常通。今東宮輟講業。已八年。不奉朝謁。聞亦已久。福王時時入宮。親疎懸

殊之國無期。因而生疑。實難家喻。宜擇吉定期。明示天下。至庄田一事。外議謂王借此極難題目。以圖久淹礦稅之云。天下實以此疑皇上。此在聖心。必自明白。再論福王朝傳免已久。日期明論。不必再疑。中外始曉然。知公之力言于上也。蓋福王久不入宮。本所明知。姑借外廷為設語。以動王聽。速王行。上復以聖母稀齡為言。遲且二年。眾駭謂中變。決難再挽。公佯不省。請上預慶。仰遣王行。庶幾慈孝兩兼。上不許。公隨奏上壽聖母。而實留王。人謂奉事之盛。

心乃睚留愛子之私計。不得不言。不忍不言。上徘徊太息。次日傳諭如請。定以明春其田土四萬頃。疏減其一。又與王自離其一。漸存次第。甲寅二月。聖母崩。撰遺詔。明著婚封典禮。皆已定期。并得釋楚宗。蠲稅額半。一日。皇貴妃遣人來言曰。先生全力為東朝。願分少許。惠顧福王。公正色曰。此正是全力為王處。本稱萬歲千歲。及吾輩云。百歲者。虛語耳。皇上壽登五十。不為不高。越此寵眷時。務行資贈。倍厚。官中如山之積。惟意所欲。若時移勢改。常額外絲毫。難得况

積年口語可畏。一行永釋。更得賢聲。老臣爲王何所。不至貴妃聞之。心動。乃如期行。公送之郊外。殷勤致語。而別。先是禮部定儀注。別皇太子。四拜坐受。無他語。公密啓皇太子。必當加意。皇太子深然之。欲下坐。答拜。福王固辭。乃立受。答其言。捫我泣。遂至。陳門。福王過望。上與貴妃皆大喜。送聖床。喪德步。至。上城。詣山陵。題主。舊屬次輔。至是。特遣公。賞甚厚。禮畢。遂請省葬。上固不從。公堅請。乃允。放加少師。坐麟賜馳驛。又令留數日。無速行。公疏勸舉。疏用人。特

薦名臣。鄒元標等。有旨褒答。且遣內臣齋藏。賜公邑黃藥寺。圖其山川。以歸。公還里。極意山水。開福廬。靈巖。諸勝。比于台宕。張差事起。公止歎曰。葉閣老在事。不至此。光皇卽位。二旬。卽召公。已鼎湖。再泣。辛酉。再命詹事府正簿。同原差行人。趣公入。時劉公一燝居首揆。與老瑞王安同心。輔政。官府肅清。宵人不便。遂有間。劉手公。謂不欲公速入者。公以十月入朝。到闕。首請發帑金濟邊。得二百萬。念遼陽始禍。由撫臣李維翰。輕率進兵。推官鄭之范。剋削軍餉。奏請

逮治。又爲故總兵戚繼光請補贈諡。皆奉命。旨未幾。
王安見殺。一燦遂以信去國。恩禮頗薄。刑部郎顧大
章極言于公明。一燦初無他意。票者從優。一燦竟得
善歸。熊廷弼守遼。勞苦有功。言路齟齬。之法。袁應泰
欺。一燦起廷弼田間。又爲處分諸梓擊者。以明賞罰。
廷弼至遼。與遼撫王化貞隙。化貞故公癸丑門生。惠
而輕信。謂西部可拔。主進戰。廷弼謂勢未可動。化貞
遺書公。有麟閣奇勛。雖手以殺老師。當不冷南昌。獨
存其功名。各已。而棄廣寧。遁竟。隨廷弼。與同逮。諸愷能。

材者。疏論遼事。遂有門生悞老師之說。科臣侯震暘
疏論諸輔。并以不能至張貴公公。觀入情。向背各半。
漸有去志。王安死。魏忠賢益橫。以公耆碩。故未敢失
禮。公亦曲爲彌縫。如救章給事。允儒帥御史。衆周御
史宗建之。廷杖高少卿。攀龍劉主事。宗周之重處。公
力居多。玉牒成。進中極殿。復以光皇實錄三鎮捷
功。加上柱國。辭允。汪文言者。歛人原名守泰。固王安
客。居中用事。安死。避楊州。逮入。待免死。改名再入。機
警。有口辨。游諸公卿間。得爲制勅。中書兵部郎。鄒公

維璉改吏部衆疑文言與魏給事太中所爲同鄉不
悅遂劾二人并及左僉院光斗忠賢以安故欲殺文
言遂下文言詔獄公疏文言之用失在臣死再申其
說文言始得杖去而楊副院璉二十四罪之疏上申
外遂如水火尋九卿科道疏連主衆謂當乘此決勝
促公爲助公不應曰閣臣與廷臣所處不同廷臣至
于發奸不憤激則不盡情閣臣至于平章若附和反
足債事止其揭稱忠賢勤勞謹慎朝廷寵眷已隆盛
滿難居宜聽歸私第保全終始又言內操一事祖宗

朝所無况聚數萬之甲兵于官庭肘腋間在今日雖
無可慮而他日終爲隱憂止之便已而御史林汝者
以畏廷杖潛遁群瑞圍公第大索汝者公甥也公具
揭自明言中官圍臣第二百年來所無臣若不去
何顏見士大夫奉旨慰留盡收回中官汝者亦請順
撫上聞受杖遂移居再疏允歸加太傅廕一子行人
護送賜銀百兩四幣坐蟒夫廩從優陛辭日六士慰
諭以爲國愛身待命用公去而文言竟再建死且借
以起大獄同事輔臣南昌蒲州俱先後削奪獨公恩

春優渥。間有攻擊。終不爲動。歸。踰年。配命夫人卒。謝
疏及之。遂得卹典。慶陵功成。再加上柱國。辭不獲。又
明年卒于家。訃聞。恩卹有加。公初去國。疏至六十一。
再去國。疏至六十七。始放行。生平善因事就功。在
神宗朝。杜門求去。上必借一事慰之。初爲釋滿朝
薦等三人。又爲允黜閣臣二人。薰廟時。孫公承宗
以閣臣視師。公爲勅極其褒隆。引裴慶郭子儀事。屬
之以其間。請免帶徵。設法團練。安插邊民。錄用豪杰。
詔告天下。有朕寔不逮。貽累吾民。請。上不悅。論改。

謂感動人心。全在於此。卒不改。壬戌。殿試得文公。震
孟爲第一。天下共稱得人。震孟後以疏論時事。并指
欲杖之。公力爭。語忠賢曰。此上首科狀元。苟遭摧折。
不祥孰甚。且固文丞相孫也。奈何獲罪。神明恣賢意。
乃解。蓋燕俗敬事信國。瓊性畏鬼神。故因以獲濟。嘗
歎曰。昔年事以手代口。雖甚觸忤。怒一夕。卽平。請亦
卽允。今日與內臣執辨。以口代手。閣中一片地。幾成
其舌場。雖勝必不繼。後難措手矣。後卒如其言。爲人
神情散朗。音韻和暢。談笑解紛。望者意傾。詩文委折。

鬯發情法兼至郭文毅素嫺強自負於詞壇多所議
訶惟推服公不置書法圓媚大書尤雄偉所著蒼震
草續草餘草奏草繪屏尺牘讀史隨筆詩則紀遊小
草賜婦元三種行世謚文忠公於平精亦
論曰明興相業如商文毅劉文靖謝文正皆以侃侃
行意稱其委蛇獲濟者張沙華亭與公而三顧長沙
援引支襄卒除逆瑾華亭乘間抵隙終剪分宜公獨
急流勇退自保令終豈真謀國之智不如或亦運數
使然若其保全善類周旋官府功亦何可沒也至老
成者方以包荒頌公之中立慷慨者更以調停責公
之養亂進退維谷時實爲之覽公始終者其亦王陵
平勃得失之林熙豐元祐紹聖靖國陰陽消長之鑒
哉



劉文端傳

公諱一燦字貞白號是菴江西南昌人也父名曰林
官布政公復與弟一煜同登乙未進士門第高華一
時推爲主謝崔盧公澹如也選爲庶常未久引疾歸
癸卯起補授簡討歷贊善洗馬諭德庶子乙卯陞祭
酒遂入爲少詹已而以正詹掌翰林院事克待班官
尋進少宗伯教習庶吉士公雖優游木天不敢越局
自表見而清望日隆出冊藩封車馬不擾厨傳
訓課諸庶常程功積事以道義聲氣互相敦勉不事

空言。其參講。惟或值召對。必齋戒存誠。冀有感動。至君德治道所關。及理亂安危之際。與權奸女寵宦寺外戚之禍。危言激論。真悟當守。故時清論翕然推重。已未京察。有欲中繆公昌期者。賴公力持得免。正入君子益歸心焉。允皇登極。召福唐葉公向高。于家等進。公大宗伯入東閣。未幾。允皇疾大漸。公親受顧命。變起倉卒。人心危疑。熹廟方幼弱。公率九卿黎明候于乾清門外。排闥直入。哭臨既畢。卽請見熹廟。盥之以出。英國張惟賢捧右手。公捧左手。擁登入寶中。外始定。移宮議起。公以豹座。進忠等。攀連無已。請自科道所指。數人外。有召發平日罪過者。宜令該監從容訪實。議處。曰。詔等以盜寶擬辟。止念其侍平。皇祖勤勞。欲從寬政。送閣擬諭。公言。皇上欲寬者。恩法司所議者。法願毋以恩廢法。將原本封進。上不能聽。而羣瑞遂切齒于公。是時首輔方從哲。以入言引去。福清召未至。公內與老璫王安外與韓公爌同心輔政。收羅名碩。林下諸名賢。彈冠結綬。濟濟克克。衆人以爲太平可望。公亦累加至少傅兼太

子太傅中樞殿學士已而時事漸非公極力匡救給
事周朝瑞主事劉宗周以言事獲罪俱密揭救免遼
瀋失陷公念前經略熊廷弼固守經年臺省交章構
陷坐撤長城遂于經筵面奏廟堂提掇中外精神全
在用舍賞罰四字停當不愁邊臣不用命不愁外患
不蕩平因擬論令查究諸臺省論劾廷弼者姓名治
其誣罔構陷罪降調有差人心大快言路之側目護
黨者羣思逐公又其人多福唐門下士福唐以召至
遂進問公謂公無意速福唐來魏忠賢用事既以給

事霍維華疏殺王安會維華例轉給事孫杰遂劾公
爲安報仇維華與杰亦福唐門下士也公上疏力求
去遂得允顧公大章獨慷慨爲福唐白公光明粹白
無攘位意福唐悟乃請于上加公少師兼太子太師
賜銀段坐蟒遣行人護送馳驛歸公因陛辭上言臣
以疎拙之踪迂拘之性蒙先帝拔置揆司仰參燮理
所洊歷者正聖明紹述之會又封疆危亂之秋臣竭
蹙供事僅逾一載淪棄之士宇未恢鞏固之河山多
缺議論有如沸羹事勢同于累卵每廿念及真無以

見先帝地下。惟是款款朴誠。每以人世毀譽。此身禍福。舉而付之度外。赤心矢日。血淚回天。仁賢正當得謝。臣力用其挽推。言官偶觸威嚴。臣默施其留救。卽連章攻擊百端。詎屬不難明白一言。然心知其驅逐有因。又竊諒其見聞未確。姑以權詞應之。臣今行矣。思皇上受天地祖宗之眷。丁艱難險阻之時。百凡宜慎。起居節游晏。夙興夜寐。修政勤民。至于臨御之暇。又當延見儒臣。留心經史。表睿資而彰神度。繫臣一念耿耿之忠。想在事諸臣與臣有同心。臣獨有關於

兩朝之大故。係萬世之公是者。痛思鼎湖上賓。事起倉卒。爾時光景。獨皇上知之。事定後。衆口悠悠。遂謂天祐社稷。原無它慮。而危身憂國。抗聲內廷者。遂以論訛去矣。禁闈秘密。臣有所不盡。知不敢言。但愿皇上清夜靜思。低徊往事。當先帝在龍潛之日。與皇上居鶴禁之中。翼戴者誰人。調攝者誰力。至扶掖乘輿。力阻要挾。當日見以爲功。非今之構以爲罪者乎。功之者。共許其保護之心。罪之者。亦議其好名不學之過。乃乘其慇懃。取戾解雨。不施至皇上。鮮敝帷之恩。

後人抱前車之鑒良可惜耳。上下千古，呂強、張承業與李輔國、魚朝恩法戒昭然，著在史冊。臣願後人泚心澄志，共扶聖明，無以身在日月之際而徒爲五宗允寵已也。至夫恨臣攻臣者，毒醜未已，又欲借舊經臣爲難端，不知廣寧之失戰守，自有公評，情罪何難剖決。必使蜚語布聞，羅織成獄，爲退撫解嘲，爲閱科報怨竊恐，莫須有之獄，不宜再見於今日。故并略爲昭析，仰祈焘鑒，乞留此一段緒論，宣付史臣，俟之數十年之後，卽言出禍隨何所恨哉。疏上，報聞而已。時

公已葉身去國，猶慷慨爲王安能廷弼發憤，暴白忠賢與攻廷弼者恨公益深。大司馬張鶴鳴借劄一職，佟卜年事欲族公，大司寇王公紀不可至，立削司寇籍，朝論憤然不平。忠賢旣殺楊忠烈，遂授意言官論公盡奪公恩，銜公勢且岌岌。會璫敗獲免，教皇帝盡召諸爲璫削奪者，公獨終老林下。僅復公官階，至丙子卒于家。公生平深沉簡默，秉正嫉邪，遇事有執意所不可，雖貴育不能奪。論學本倫理，立朝重名節，退居里第，田不過數頃，第舍一區，僮僕數人，門如寒

素嘗與當事相約凡事當以朝廷為重君父為重朋
情私交一齊剗破其忠君愛國三十年如一日卒後

謚文端

論曰正德天啓之事何其類也同時三相長沙以調

停固位福唐以柔和寵歸洛陽蒲州號稱秉正皆去

而復出其峻偉卓絕一斥不復公與餘姚而已觀公

去國疏沉淪婉至足備千秋信史而予所尤難公者

不狗門戶不畏臺省然其百尺無枝以此而不為縱

橫押闔依草附木所推轂亦以此宜公之望重東山

而蒲輪之召杏郭也吾師黃宮詹品題熹廟諸相有

二十年間塵土裏無人更說南昌劉之慨嗚呼所感

深哉

文肅傳

公又以其學著于世

公諱震孟初名從鼎字文起號湛持直隸吳縣人翰

林待詔毅明之曾孫國子博士彭之孫衛輝制知元

發之長子也世以道德文雅巍冕海內十五出應童

子試名燥一時年二十一舉甲午賢書陳躬砥操日

手一編泮晤絕跡城市尤嚴竿積之戒居父喪哀毀

幾於滅性營竺揚新軒以葬父即倚墓結廬而居十

時有真季廉之目時海內名賢若吉水鄭忠介關中

馮恭定高邑趙忠毅皆以濟鳳在野與公名相慕說

而○至○盟○東○南○如○高○忠○憲○願○端○文○尤○引○重○公○遠○近○精○流
或○千○里○命○駕○或○北○面○執○經○坐○無○虛○位○不○無○停○軌○以○公
車○久○次○人○擬○之○如○張○文○忠○等○教○味○第○若○羅○山○時○而○行
義○過○之○縣○甲○午○徑○廷○戎○凡○計○注○春○官○為○武○嘉○廟○龍○騰
首○科○始○減○進○士○廷○對○賜○第○舉○以○及○第○臚○博○之○相○權○聲
動○輦○轂○自○通○都○以○迤○邐○至○深○澗○窮○谷○皆○欣○欣○慶○得○真
制○科○以○來○未○嘗○有○也○既○是○軒○光○宗○以○新○神○廟○遺○詔○忍
及○廢○諸○臣○臣○田○開○教○字○嘉○廟○初○光○新○政○舉○並○盈○朝○侯
下○想○見○太○平○而○公○又○以○宿○學○登○上○第○物○望○傾○注○與○忠

憲○諸○賢○侃○侃○發○舒○凡○貂○璫○戚○威○力○謝○往○還○既○而○外○廷
有○僭○逆○璫○以○指○鹿○始○禍○者○因○禁○講○學○與○黨○議○鄒○忠○介
馮○恭○定○兩○公○以○次○竄○逐○公○上○疏○請○講○學○勤○政○謂○常○人
之○情○激○於○振○發○則○富○貴○之○士○皆○可○引○于○功○名○安○于○顏
靡○即○道○德○之○士○未○免○流○于○廷○腐○今○昧○爽○臨○朝○寒○暑○靡
撤○政○非○不○勤○而○鴻○臚○引○奏○跪○拜○起○立○僅○如○傀儡○之○登
塲○則○聰○明○何○由○開○暢○經○筵○日○講○臨○御○有○期○學○非○不○講
而○史○臣○進○講○鋪○叙○文○辭○第○如○蒙○師○之○誦○說○則○睿○智○何
日○周○通○真○皇○止○之○精○神○既○與○羣○臣○不○相○浹○洽○則○日○皇

上之靈爽必與天下不相昭融。退入內廷而耳目所觸發德性所薰蒸。自不越于中。涓常待之口類。夫大君炤臨之體段。帝王宏遠之規模。豈若輩所能解。至于中朝舉動。更有可異者。登入國以營私窟。凡似濁流之投。詈道學以逐名賢。有甚偽學之禁。唐宋末季可爲永鑑。夫去者爲榮。則仕者不貴。頃尚書王紀削籍歸農。策蹇出都。人謂快于馳驛。被朝蒙頭。人謂華手。麟玉合諸。臣被道學之名。以法其貴。且甚于三公。九卿也。天子所以厲世作人者。惟此爵祿名號而至。

使角中尊于袞冕。豈清平之世所宜有哉。疏上中外側目。要逆璫取內旨。重處摘疏中傀儡二字。激聖怒。逆璫傳旨謂公出位。妄言藐視朕躬。當予杖。賴閣臣與講官禮部尚書盛公以弘等力救。始獲改批降。二級調外公歸。而時事微異。銀鑄四出。數起大獄。及吳民顏佩韋以周忠介之逮。擊殺緹騎。告密者欲一網盡東南正人。公與甥姚文毅公自分必死。公計日俟詔使至。卽當效高忠憲投淵自沉。義不受辱。會當事者心動。得免。未幾竟以顧同寅獄削公官。烈皇

御極誅璫剪兇。猶有持門戶之見。力尼公出者。久乃起。陞翰林院侍讀。尋進左春坊左中允。再進左諭德。掌司經局事。克日講官。公之在講筵也。以帝王之學。必以經術經世。故反覆開陳。務切時事。上每爲改容。嘗講君使臣以禮。力勸其上。培養士氣。推心感人。勿徒峻刑法。以啓猜疑。上傾聽久之。罷講。卽傳旨。釋前司寇喬允。升副憲易應昌于獄。又因講筵上疏。謂國步方艱。大小臣工。當爲在山之虎豹。不當爲處堂之燕雀。當爲朝陽之鳴鳳。不當爲抱葉之寒蟬。當

視國如家。除兇雪恥。不當分門別戶。引類呼朋。疏上報聞。尋以奉使益藩。禮成。陞右庶子。掌坊事。又陞少詹兼翰林侍讀學士。纂脩天熹廟實錄。公在史局。較對士光宗實錄副本。多所舛悞。而條謬之尤者。尤在冊立。挺擊。紅丸。三案。具疏請行改定。并上爲之御平臺。召諸輔臣相商。權故事。經筵說書。置春秋禮記歷朝因之。奉神宗會命。官專講禮記。爲維熙盛事。上從乙夜覽春秋。以爲有關於撥亂反正。命特選專經者進講。公宿學。久以春秋著名。輔臣以公各上

講至宰嚭歸罪傳期凶禮也當缺公請令補續公乃
悉言嚭六天卿之長而壞法亂紀自王朝始焉用彼
相○上○領○之○既○奉○御○筆○啗○一○章○正○見○當○時○朝○政○失○宜
所○以○當○講○令○後○以○此○類○推○舉○朝○者○知○宸○眷○有○屬○校○下
將○舉○上○遂○論○吏○部○上○公○名○為○超○拜○禮○部○左○侍○郎○兼
東○閣○大○學○士○公○感○知○遇○非○常○陳○謝○就○列○且○念○孤○忠○特
援○不○由○他○途○內○應○外○援○一○切○謝○絕○天○下○友○以○東○國○相
司○馬○為○慶○而○比○肩○者○不○能○一○朝○容○矣○入○直○僅○兩○月○有
疏○叅○工○垣○許○公○譽○卿○閩○方○伯○申○公○紹○芳○者○柄○臣○故○示

商○推○于○公○公○片○語○調○停○柄○臣○即○露○章○入○告○遂○一○疏○并
同○官○何○公○吾○騶○俱○逐○公○即○出○直○驟○車○就○道○計○公○通
籍○十○九○年○立○朝○不○滿○三○載○憂○讒○畏○訛○十○居○其○九○然○公
天○性○恬○淡○夷○猶○曠○遠○歸○後○惟○與○子○弟○談○苑○讀○史○品○書
法○書○名○画○金○石○鼎○彝○枕○履○香○茗○几○案○亭○館○花○木○以○存
門○風○雅○事○丘○壑○之○好○老○而○不○衰○佳○辰○令○節○載○酒○湖○山
倘○得○賦○咏○陶○情○寫○意○不○廢○絲○竹○歸○甫○六○月○而○姚○文○毅
卒○公○哭○之○慟○居○恒○輒○獨○坐○嗚○咽○越○十○毒○日○夜○坐○正○寢
瞑○目○長○逝○益○崇○積○丙○子○歲○也○生○平○律○身○清○介○歷○宦○以

來○負○郭○不○滿○數○頃○身○沒○未○幾○諸○子○自○家○徒○壁○立○詩○文
秀○達○莊○雅○楷○隸○行○艸○規○模○家○法○而○隸○書○尤○大○漢○入○室
所○著○有○姑○蘇○名○賢○亦○死○蓋○吳○中○美○獻○所○係○云○禮○臣○顧
錫○疇○為○公○請○易○名○南○都○謚○公○文○肅○元○令○醇○輝○照○臨○山
論○曰○公○固○宋○信○國○裔○劍○眉○稜○監○目○光○如○電○與○信○國○遺
像○酷○肖○故○公○少○壯○鏡○照○顏○軌○自○負○不○死○美○信○國○以○寶
祿○登○狀○元○公○與○異○代○繼○起○信○國○居○于○賈○似○道○公○居○于
權○增○媚○相○信○國○關○文○山○自○娛○出○年○眾○考○槃○築○室○亦○極
巖○壑○之○美○又○俱○以○絲○綸○黃○閣○仙○極○左○臣○若○信○國○之○就
義○燕○市○與○公○昌○言○盛○世○雖○所○遇○不○同○其○孤○忠○報○主○明
國○家○數○百○年○尊○賢○敬○士○之○報○則○一○未○可○優○劣○論○也○然
則○公○真○信○國○後○身○哉

已陞常少提督四夷館出撫保定乙卯加副都下也
陞戶部左侍郎兼僉都御史總督漕運敷歷中外累
著勞績庚申陞尚書入督倉場壬戌陞刑部尚書會
客魏擅權執政有陰與通者公心憂其事刑部郎徐
某惡熊廷弼欲殺之并以此攻給事中周公朝瑞惠
公世揚二人皆負讜直聲公因上疏言朝瑞批經尺
之鱗天下目爲朝陽鳳世揚射高墉之隼天下目爲
殿上虎某誠抱孤憤欲爲天下擊賊今有人于此巧
能移奪人主之視聽力足顛倒天下之是非交結權

璫誅鋤正士黃瓜臺辭已賦同文館獄將興此今之
蔡京某何不明目張膽出袖中彈文相擊直與正骨
浩氣之朝瑞世揚日尋干戈不已耶疏上某罷御史
楊維垣譏公吞吐請令指名具奏公復上疏言宋朝
奸臣蔡京天資陰詭流毒縉紳遺禍宗社今日執政
之事其結交魏進忠與京之契合童貫同乞哀董羽
宸與京之懇款陳瓘同蓄養死黨與京之固結吳居
厚王漢之同顧命元臣劉一燝周嘉謨之罷逐與安
置呂大防蘇轍何異持正言官江秉謙熊德陽侯震

賜之擯斥與貶謫御史常安民何異尤可訝者賄交
婦寺竊弄威福中旨頻傳而上不悟朝柄陰握而下
不知此又京迷國罔上怙寵弄權之要訣曠百世若
合符節雖謂起九原之京復出可也疏入客魏怒甚
適○佟○卜○年○劉○一○璣○下○獄○公○不○肯○附○和○殺○人○遂○內○批○削
公籍歸公與夫人騎二騾襍被蕭然以去尋卒于家
烈皇帝卽位復公官贈少保予謚莊毅
論曰逆瑾之橫首擊之者韓莊毅逆賢之橫首擊之
者公並以六部大僚爲批鱗請劍之舉老成謀國身
殉社稷固非新進小臣所可比也然韓公所上者猶
舉朝合詞公則獨身犯難且瑾在當日內無官闈之
助外無執政之比公則一疏而姚聖杞檜群思剗刃
其得全者亦幸耳方公于韓公其亦後來居上哉

謝不知嘗言我輩鄉大夫所聞多浸潤膚受不若公
府之明察爲覈作居里記以見志典制詰不以諛詞
褻王言體以詹事知貢舉室竇塞次嚴察迴避中
持本至叫囂麾出闕外冷拱事官傳本入簾內外肅
然既升禮部侍郎視篆有福至之國傳先是福府按
母愛以有寵于上東朝君久未定廷臣爭冊立並封
多被譴後雖得立猶未出闕也既而廷臣屢以之國
請至癸丑始奉旨許書明春顧猶以庄田取盈四萬
曠日持久不可得將尼行色公甫視事奮然曰此禮

臣責也時神廟靜攝久典禮廢弛公首疏關治亂
者數事遂及之國期率十日一請而堅持庄田如潞
府例奉旨切責公不顧又連請東宮出闕交贊其說
亦不報及疏中有何代不封王何王不之國等語流
傳入禁中神廟大感動始命所司擇吉無何內降
忽更期後年葉公向高當國皇恐持未下公擬伏闕
爭而亟以九卿公疏侯命闕下如是者三旬出入殿
廷每與諸大臣旅會詞氣慷慨輒曰今日是某死所
還向葉公曰今日是相公死所九卿相顧感激爭出

危言佐之。聲明朗徹。大內於是。福玉自請。減莊田。以
行。而大典告成。如期。然忌公者。且以居功。且公矣。其
他若慈聖太后。廟號玉貴妃。藏室諸玉。選婚皆關聖
孝。聖慈至大者。公動引典禮。爭楚獄。久寃公。平反釋
其幽滯者。數十人。代藩廢長立少。公念其事。正與東
朝類。亟正之。杜小人窺伺者。而庚戌科場之弊。卒按
法持之。群小滋不悅。又以其服從祀豫。竄延平在部
踰年。請告去。而忌公者。竟以京察。申公得直。始舊調
理。及公再召。爲禮部尚書。則鼎湖再泣矣。公入朝。乃

首論紅丸事。先是光宗大漸。有鴻臚丞李可灼。進
紅丸服之。遂崩。廷臣交章劾。可灼首輔。方從哲。票令
引疾去。從哲亦引疾。公上疏。略曰。春秋許世子進藥
於父。父卒。世子自傷。與弒不食。死。春秋書爲弒君。然
則從哲宜何從焉。速劍自裁。以謝。皇。上。義。之。止。也。
合門席藁。以待。司寇義之次也。乃晏然傲然。含糊支
辨。至滿朝。攻可灼。僅票回籍調理。是可忍也。縱無弒
君之心。已有弒君之事。欲辭弒君之名。益難免弒君
之實。并及貴妃。以遺詔封后。神廟擬謚。恭例。同前代。

亡國李選侍不早移乾清宮有垂簾之漸皆坐從哲不能先事匡正爲弑逆顯據語加峻切得旨九卿科道議議多是公者既生詔奪從哲去官而成河灼三逢內者不憚也公尋以爭秦藩封爵非例忤旨引告歸會楊忠烈公二十四罪疏止瑞忠賢怒甚諸修門戶鄰者借瑞爲虐大起詔獄忠烈既考死公以紅丸一案坐戍得寧夏極邊合之刑部侍郎王公之案爭挺擊忠烈爭移官爲三大案因特修三朝要典布告天下坐公等周上不道行且殺公公坦然將就道而熹皇崩毅宗立誅瑞及其黨與公始解戎復故官戊辰改元以原官協理詹事府召公高卧不起八年如一日既而羽書狎至天子齋宮引咎詔擇在藉堪任閣員者廷推及公乃以原官膺特召公宿病頗劇扶曳應命至滕縣病益篤抵都門猶齋肅與入覲草二疏一剖流賊一獻所著書皆未上欬歔泣下日吾生平出處甚明死亦何憾但人生有隱痛事最自難忍遂寢疾十三日而卒公自讀禮時與僧靜峰讀古德公案往復參求者三年峰始印可嘗作著門

大士聞觀。纔合眼。便有種種異相。如昔人所謂靈山
一會。儼然未散者。忽有提之者。曰。此何可執。公爽然
從前有所得心。爆地俱斷。既乃。出意儒宗。癸丑傳易
甲寅再傳。戊午三傳。癸酉四傳。總名明洛義。以授張
清惠公。瑋。外人無傳焉。朔望跪讀中庸。章因悟不
覩。不聞之所。卽大易不獲身不見人之所作。慎獨義
凡百篇。讀書談道表章諸儒。以朱晦庵陸象山王陽
明三先生爲依編。選合若干卷。自漢以來詩義微缺。
公選唐詩再歷寒暑。著詩雜論。又因諸史舊文作專

編。以才節兼全者爲上。其次節勝才。或才勝節。又其
次則節不足而才足。裨用者所日課。凡五一默坐二
玩易三。文苑四。書史五。作字而于字學尤深得。鍾王
筆法。卒謚文介。臣孫自式。中丁亥進士官簡討。正甫
忠厚最留心吏治。人才抗疏屢陳時政。人爭稱之。
論曰。神廟廢棄。諸賢論國本者。什之四。攻門戶者。遂
借是爲一網。計公旣翊戴元良。又立朝侃侃負山嶽。
麟鳳聲宜其及矣。卽清流如顧廚後及輩。群倚公爲
重。然公嘗言。余身父母有仕。則朝廷有何問。以東以

西○又○嘗○言○知○止○可○盡○大○學○慎○獨○可○盡○中○庸○思○怒○可○盡○
論○語○性○善○可○盡○孟○子○此○不○亦○慥○慥○篤○論○耶○善○乎○張○清○
惠○之○論○公○謂○篤○行○如○君○實○憂○國○如○希○艾○勇○任○道○如○朱○
元○晦○庶○幾○近○之○矣○彼○氣○節○壇○坵○何○足○測○公○萬○一○哉○

李尚書

公名騰芳字子實號湘洲楚湘潭人也生有異慧萬
曆戊子舉於鄉壬辰成進士改庶常才名冠絕一時
為文喜精思探微至忘寢食與同館崑山顧公天璇
相友善詞林故事多詩酒奕棋優游都雅示清貴公
與顧公獨留心經濟以異日救時宰相自任時太平
既久邊防廢弛文恬武嬉公獨料玄菟樂浪間當有
變起因知制誥艸總督臣邊李汝加少傅制其未自
自背夷夏之強弱皆以人才為盛衰今日不生才之

時宜我有久安之理。但天意難必，人事宜防。况爾久歷邊陲，卽當名選禁闈。爾爲曹瑋，若有英物如元昊，豈不先見爾爲呂蒙，若可代卿。如陸遜亦當密聞，蓋以文託諷，真幸當事之共悟也。然卒以此得忌天變，爲言者所攻。公主疏暴，自誣枉力爭，不得。因言臣與天峻同官同志，學術文章，互相砥礪。天峻汚則臣不獨潔，天峻去則臣不獨留。遂與俱解職。忌公者，因有崑宜之目，并錮公於家。此來餘年，始稍起爲南司業。歷泰昌天啟朝，累遷至禮部尚書兼翰林學士會楊

忠烈二十四罪疏上。逆璫切齒楚人，尤畏忌公。削公籍崇禎二年起，公原官協理詹事府事。公疏辭不允，督促就道。尋正位宗伯，適京城被圍，公調畫守禦，心血几枯。旣而冊立東宮，百事倚公以辦。又奏除宗藩，請名請封等費，搜剔科場舊弊。疏聞上皆報可。著爲令。而公以勞瘁不起矣。計聞贈太子太保，廕一子。公少負英卓，喜談時事，爲朝望所屬。天啟時議救十楊忠烈，亟推公持門戶者。尼楊公曰：湘潭人，能忘崑山香火情乎？事遂中阻。公聞之，與崑山益厚，其沒也，于

聖○地○書○索○崑○山○遺○集○排○續○制○制○使○流○傳○人○間○輕○富○貴○
重○然○歸○公○於○崑○山○蓋○有○古○苑○張○劉○柳○風○焉○方○公○為○庶○
常○太○倉○王○公○錫○爵○再○入○中○書○三○王○並○封○議○起○長○安○鼎○
沸○力○詆○太○倉○有○異○謀○太○倉○憤○甚○公○密○具○十○啟○草○朝○疾○
而○投○之○大○畧○言○聖○明○在○上○議○者○過○為○杞○憂○以○公○苦○心○
疑○為○集○苑○此○皆○妄○也○但○聞○古○賢○豪○將○欲○立○權○謀○之○事○
必○度○其○身○能○作○之○身○能○收○之○以○我○始○之○以○我○終○之○則○
不○難○晦○其○迹○於○一○時○而○終○可○以○皎○然○於○天○下○公○欲○暫○
承○上○意○巧○借○王○封○轉○作○冊○立○然○以○公○之○明○試○度○事○机○

急○則○旦○夕○緩○則○一○年○竟○公○在○朝○之○日○可○以○遂○公○之○
志○否○恐○王○封○皆○定○大○典○愈○遲○他○日○繼○公○之○後○者○精○誠○
智○力○稍○不○如○公○容○或○壞○公○事○隳○公○功○而○罪○公○為○尹○謀○
公○何○辭○以○解○此○不○獨○宗○社○之○憂○亦○公○子○孫○之○禍○也○太○
倉○讀○未○竟○率○公○衣○命○坐○曰○子○何○處○人○年○几○何○公○對○長○
沙○人○年○二○十○九○矣○太○倉○曰○諸○公○嘗○我○我○無○以○自○明○故○
憤○積○子○言○美○我○願○受○教○但○謂○我○子○孫○之○憂○不○知○我○每○
啟○上○揭○帖○皆○親○筆○書○禁○中○手○跡○甚○明○似○無○虞○也○公○曰○
外○議○正○以○揭○帖○親○書○人○無○由○知○其○所○嘗○謂○何○公○及○欲○

以此自恃異日能使皇上出公手帖傳示天下否太
倉默然良久復問古人留侯鄴侯皆用權公曰鄴侯
不欲以建寧爲元帥而稱摘瓜詞以衛廣平此經也
非權也但與肅宗私議家事恐上皇不安而避廣平
爲太子另是六則然建寧之死胎此矣若子房以強
諫爲無益而招致四皓有似行權然亦何嘗請與趙
王並封且所謂權者必須妙智之人委曲婉轉或立
語而移或默然而定若需之數年更以宅手雖聖人
不能保矣語次太倉不覺淚下公亟趨出明日閣試

四皓論公復以極言置第三太倉私語公師馮公琦
曰此子真奔逸絕塵之才然國家未必得其用馮以
語公公曰相公惡我乎謂我夫乎曰非也以子英露
特甚耳已酉公自引去國后屢起屢廢不克展其才
始服太倉神識云公所著有玉衡集說莊孫子說印
陽明集抄金剛集註若干卷
論曰世側目公者每云江陵再見夫江陵得罪清議
惟奪情杖言官甲第私子數事耳若其輔幼主戢中
官太阿在握富國強兵厝天下衽席者二十年雖謂

中年朝講浸廢。或飲罷斃。左右給使。公齋心草疏。有
困○勉○藥○而○驩○飲○長○夜○娛○窈○窕○而○晏○眠○終○日○等○語○神
宗○怒○欲○賜○杖○會○長○秋○節○輔○臣○救○免○請○告○歸○三○年○起○故
官○督○長○蘆○鹽○攻○每○按○部○德○教○爲○先○遠○諸○生○及○鄉○老○之
堪○表○帥○者○而○崇○獎○之○至○吏○而○餓○虎○賈○而○碩○鼠○無○遁○法
焉○因○與○要○人○左○用○他○言○官○林○累○削○籍○歸○鏡○康○塊○處○尤
年○不○出○門○六○年○不○論○戶○燕○寢○三○楹○竟○日○危○坐○夫○人○司
破○鎗○親○用○罕○以○刺○通○有○問○學○者○一○禩○天○肅○而○入○坐○久
碾○來○牟○剪○葵○非○爲○供○輦○上○貴○人○無○掌○大○赫○蹠○相○貽○也

光○朝○改○元○累○用○太○僕○尚○寶○大○理○卿○名○俱○以○見○喪○未○行
熹○廟○初○公○與○鄒○公○元○標○同○出○山○適○有○遼○警○群○心○惶○惶
爭○遣○其○孥○公○獨○盡○室○以○從○示○不○返○顧○亡○何○廣○寧○陷○經
撫○携○手○入○關○公○謂○不○逮○治○何○以○勗○守○關○將○吏○率○同○官
具○疏○朝○論○躋○之○尋○擢○副○都○御○史○而○鄒○公○爲○左○都○御○史
善○類○倚○兩○公○爲○重○兩○公○倡○立○首○善○書○院○率○同○志○講○學
其○中○倦○倦○苦○心○蓋○因○東○事○孔○棘○群○情○未○固○士○大○夫○不
知○死○緩○抱○頭○鼠○竄○者○踵○相○接○欲○倡○明○忠○義○喚○起○親○上
死○長○之○心○非○徒○建○旗○鼓○號○召○同○方○合○志○也○而○群○小○已

則目矣。是時廷議進藥一案。公謂可灼以至尊嘗試。而許其引疾去。當國何心。至挺擊之獄。與發奸諸臣。爲難者必好。以是群小聞之。愈切齒。郭允厚。朱童蒙。相繼論刺。講學公亦疏陳。謂周家以農事開基。國朝以理學開國。臣等建立書院。豈爲名。豈爲利。豈爲官。豈爲一身宴遊之地。豈爲子孫世守之業。祇以南都各省俱有。而京師爲首善之地。天子之都。反無甚非。所以壯帝都而昭一統之盛況。今外寇侵凌。邪教猖獗。正當講學以提醒人心。激發忠義。臣等所以不恤。

毀譽不計得失。冒昧爲此疏。上報聞。尋與鄒公後先。皆乞身去。又二年起。總留臺。未赴。卽家拜工部尚書。亡何逆璫禍起。公疏辭。予致仕。明年奪職。陝西巡撫。喬應甲。日以窘辱公爲事。已而登見其清。不忍加遺。惟毀書院。曳先師像。擲城隅。以洩其憤。公痛如切膚。吁嗟病榻。晝夜跌坐。二百日夜。不就寢。竟以此死。崇禎初。追贈官。保謚恭定。是時僉都御史鍾羽正見公。與鄒公被議。上疏求罷。謂元標理學節義卓冠群倫。從吾默証。潛修特起塵俗。其在衙門。振揚法紀。表率。

憲綱案無留牘。廷有暇功。至其倡明經學。成就人才。惓惓惟恐。一日不聞道義之談。一人不入聖賢之域。者。仰贊皇上講學之勤。率臣民而爲皇極勸興之大。必其忠且勤也。而奈何其禁之也。書院之設。實爲皇上闢首善之功。臣初入署。未與創始。乞先罷。臣退伏丘林。誦詩讀書。以終路齒。伏願皇上益勤聖學。講明經史。清心窮理。所其無逸。大小臣工。同德同德。脫禮樂熟。詩書以贊。內修外攘之治。登斯世子。唐虞三代之隆矣。疏入報聞。尋陞刑部尚書。以瑞禍被逐去羽。

六。正貞修潔。履佐憲有聲。同時與鄒馮稱西臺三正人。論曰。終南渭水。山高土深。代多偉人。漢則楊伯起。宋則呂正獻。最著。晦叔自少講學。以治心養性爲本。其勲業得之學問居多。而鶴雀鱸魚。街集講堂。有閔西夫子之號。譙謂伯起清白著聲。危身奉三。非醇儒事。以合于公。可謂後先一揆矣。吾鄉高忠憲公壇。皆至盟。居于寬于論人。嚴于論學。于兩籍。心折公。嘗取公語。手自抄寫。出入懷袖。其序公集。以爲至明至備。

至正至中○非修而悟○悟而微者不能○然則公豈非昭
代兩廡中入哉○

王文肅傳
公諱圖○字則之○陝西耀州人也○見日國舉進士官保
定巡撫○公幼魁傑○有大人度○稍長從其兄問學博聞
強記才思風發○年十六督學徐用蘭擢冠諸生○每行
部必召公與俱○雜諸生中○試之所至○必第一○遂挈公
登太華○上太白○經藍田○出潼關○浮淮涉江○東游吳越
關河川陸○形勝要害之地○前迎後却○極目縱心○慨然
有澄清宇宙之志○萬曆丙子舉鄉試第一○丙戌成進
士○選庶吉士○授簡討○當是時○保定公為御史○不附執

政○拳○毆○其○私○人○於○朝○堂○以○伉○直○外○轉○公○在○史○館○方○嚴
易○直○願○然○以○公○輔○自○待○士○大○夫○推○西○北○正○人○公○兄○弟
為○巨○擘○然○南○北○部○黨○之○萌○從○此○起○矣○公○守○簡○討○十○五
年○于○時○相○一○無○所○附○麗○四○明○沈○公○當○國○有○妖○書○之○獄
公○援○引○古○誼○極○言○規○切○四○明○弗○善○也○久○之○陞○中○允○歷
庶○子○詹○事○以○吏○部○右○侍○郎○掌○翰○林○院○事○公○前○後○服○官
資○望○最○深○神○宗○深○居○大○內○撰○進○講○章○寒○暑○不○輟○肅
容○法○服○儼○如○對○御○三○年○外○計○郎○舍○蕭○然○苞○苴○竿○牘○絕
跡○庭○戶○天○子○稔○知○公○忠○謂○可○與○寄○大○政○萬○曆○中○年

黨○論○滋○起○山○陰○王○公○歸○德○沈○公○之○後○資○地○相○偏○謂○可
以○紹○二○公○衣○鉢○者○咸○屈○指○江○夏○郭○公○正○域○南○昌○劉○公
一○燦○竝○公○而○三○江○夏○逐○南○昌○逝○物○望○始○專○屬○公○而○黨
人○之○側○目○者○日○甚○一○日○矣○時○富○平○孫○公○瑋○為○冢○宰○秦
人○几○滿○九○列○而○東○南○講○學○遙○相○應○和○羣○小○忌○而○謀○間
之○會○無○錫○顧○公○憲○成○馳○書○收○淮○撫○乃○嗾○富○平○發○單○諮
訪○廷○辯○東○林○淮○撫○是○非○以○為○鈎○黨○之○計○公○嘆○曰○秦○人
與○東○林○一○網○盡○矣○亟○言○于○富○平○止○之○羣○小○恚○移○兵○向
公○而○公○之○主○庚○戌○會○試○也○宣○城○湯○祭○酒○賓○尹○以○領○坊

為同考官。與知貢舉崇仁吳公爭論闈事。盛氣相詬。諍湯之門人王紹徽。間行構崇仁於公。公正色拒之。於是公與宣城之際成矣。是時辛亥。大計京朝官。紹徽計湯必不免。嗾御史之欲避察者。飛章逐公公杜門求去。上不許。乃仍主計事。湯亦竟坐不謹。罷諸附湯見黜者。及惜湯之黜者。攢耳并目。雄唱雌和。聚族以求。逞於公公。決意求退。抗疏別白。極論湯所以被察。與紹徽等所以媒孽見中之故。削株掘根。窮極底裡。然後移疾去國。疏凡二十餘上。始得請。丁巳丙

計羣小方用事。遂以糾拾中公。天啟二年。以原官起用。四年。陞禮部尚書兼翰林院學士。協理詹事府事。居無何。而逆閹難作。紹徽柄用。以其私人喬應甲。撫秦應甲。有狂疾。將起大獄。公雖削籍家居。睚眦連引。洵洵如不終日。紹徽死。事稍緩。公亦遂卒。時丁卯六月也。思宗卽位。贈公太子太保。謚文肅。蔭其子。予祭葬如制。公明允篤誠。忠君憂國。出於天性。登朝以後。貫穿典章。諮諏政術。參國論。與大議。矯尾厲角。有倫有要。聞者傾聽。語及朝政得失。天下治亂。容有感

而○色○有○墨○惻○然○若○疾○痛○之○在○躬○也○與○人○交○推○心○置○腹○
洞○見○肺○腑○推○薦○賢○士○大○夫○如○恐○不○及○小○人○在○側○割○席○
分○坐○必○遠○去○之○乃○已○故○事○詞○林○官○類○皆○寡○言○低○首○優○
游○養○望○以○待○拜○遷○公○獨○不○然○居○官○奉○職○敬○共○夙○夜○不○
以○閒○曹○冷○局○少○自○假○易○凡○延○見○門○人○故○吏○媿○媿○論○天○
下○事○分○日○移○晷○語○不○及○私○孝○友○篤○切○事○兄○如○父○事○後○
母○如○母○生○平○不○事○生○產○不○通○聲○色○焚○膏○宿○火○老○而○不○
倦○著○有○文○集○奏○議○若○干○卷○子○淑○林○舉○進○士○
論○曰○東○林○品○目○實○與○黨○議○相○終○始○而○國○運○隨○之○俱○盡○

若○王○公○之○勁○骨○高○舉○孤○忠○挺○堅○豈○非○一○代○之○名○賢○四○
朝○之○遺○碩○乎○顧○公○卒○不○得○相○天○下○與○天○下○之○不○得○相○
公○似○有○剝○復○氣○運○關○焉○豈○細○故○哉○余○往○有○紀○事○詩○云○
從○來○天○子○皆○神○聖○獨○恨○奸○雄○善○轉○移○觀○公○終○始○立○朝○
梗○概○不○能○不○重○有○慨○矣○

家故亦貧。然矢不以私干當事。諸國士遇公者。或諷
緩頰。資膏火。必正色謝却。獨孜孜以激濁揚清爲已。
任壬子舉。孝廉如其爲諸生時。已未登壯第。衆虛席
以館選。待公爲書。請母。母曰。來然後就試。蒲坂韓公
曠。南昌劉公一鵬。至教習。相得甚歡。既社稷。至計人
才進退。必就諮焉。庚申秋。眞皇帝卽位。未幾。不豫。
內醫崔文昇侍疾。無狀。楊忠烈公給事。禮料將抗疏。
請按治。夜商於公。公亟呼善且曰。此真社稷第一事。
楊公意遂決。其後楊公以移宮中忌者蜚語移疾去。

川都握公手曰。吾兩人禍福共之。吾他日不免。亦必
不令子獨免也。然公終未嘗以此語人。後陳孝廉愚
狀楊公事。乃聞於世。公之沉深。又如此。時正人廢棄
者。次第擢用。公所契皆天下豪傑。清流領袖。經略熊
公廷弼。舊稱公督學師。未嘗以文字受知。公獨心直
其爲人。熊旣以盛氣好訐。爲朝貴所疾。爭左袒。撫臣
王化貞以撓之。化貞旣敗。廣寧陷。反婦獄。熊公與化
貞並逮。公扼腕不平。熊赴司敗。前一夕。公出郊。唁之。
慷慨相勞苦。自慈慧寺送。至天仙菴。躬率僮從。爲翼

蔽○情○惜○斗○室○中○漏○下○四○寸○刻○乃○別○遷○卒○林○立○公○不○顧○
也○客○魏○既○得○志○王○莊○毅○公○以○諫○逐○公○歎○曰○禍○將○作○矣○
遂○奉○母○歸○甲○子○再○入○時○事○已○非○母○復○病○卒○京○邸○扶○喪○
下○潞○河○開○削○奪○報○蓋○言○路○受○逆○奄○指○擊○公○去○歸○而○周○
忠○介○被○逮○吳○長○號○冤○顏○佩○青○輩○五○義○士○擊○殺○游○尉○事○
聞○於○朝○疑○有○至○使○將○窮○治○吳○中○一○日○數○驚○公○預○買○小○
舟○彷彿○河○湄○爲○全○端○計○久之○獄○乃○息○北○烈○皇○帝○御○位○
容○魏○正○法○公○以○太○子○養○善○徵○蒲○坂○再○入○爲○首○輔○有○大○
議○輒○咨○公○如○秦○昌○初○逆○榜○定○事○揣摩○所○繇○來○遂○漸○側○

目○公○烏○程○以○爭○爰○立○事○甚○公○有○後○言○家○宰○某○與○之○比○
而○排○公○公○念○國○家○方○多○故○天○子○日○以○安○邊○治○國○爲○急○
每○告○同○志○先○寔○事○後○虛○聲○自○人○物○兵○刑○錢○穀○河○漕○屯○
蓄○之○事○皆○殫○力○講○求○時○議○以○救○時○相○非○公○不○可○而○群○
小○忌○亦○益○亟○在○講○筵○四○年○因○事○納○忠○壬○申○春○給○事○吳○
執○御○史○吳○彥○芳○王○績○燦○以○言○事○下○獄○公○適○講○默○容○
保○身○及○論○語○女○於○回○也○孰○愈○章○因○極○言○箱○口○結○舌○非○
盛○世○事○又○引○宋○王○珪○語○恥○君○不○及○堯○舜○臣○不○如○魏○徵○
以○爲○規○每○進○講○吐○詞○皦○亮○公○上○多○傾○聽○僉○人○疑○公○得○

君且入綸扉。遂借試事。逐公左遷爲南京少詹事。公至南而病。病歸二年餘卒。撫臣以其訃聞。請贈卹如故例。柄國者借譽詞。排偶中之天子。駁弗行。始信媚嫉者之恨公深也。公事母至孝。居廬哀毀。幾於滅性。居鄉邦勇於任事。吳郡二十餘年。其守令多廉平。愛民。其士大夫畏名簡。不敢爲非。多公與文肅忠介力究心。葱嶺之學。淹通宗教。以節母奉佛。謹居廬。後日夜修禪。助樂邦。因丁卯大祥禮懺道場。甫畢。五色雲見。光炤四野。方袍員頂之徒。視風樹堂如招提。蘭若。

飯頃環坐。日不下十人。客有疑而進。曰公居喪。皆合考亭數矣。爲衆墨氏。公曰。吾學佛。非學墨也。况內外二典。正謂此理。極致本無差別。司馬君實豈欺我哉。當三峰大師初提唱宗門時。教律盛行。多信解。莫及公。獨入山訪道。盤桓法喜。極力弘護。生平不多著書。獨纂佛法金湯微文錄。若自明其出世之本。因者公卒時年五十八。南都追謚文毅子孝廉宗。與文學宗昌文行有父風。所著清隱集。十二種。八十九卷。傳于世。曰公。廉。曾。公。山。張。林。陳。李。張。法。有。德。祿。

論曰公氣節似楊伯起標格類李元禮志存經濟忠
君愛國似賈長沙陸敬輿高文典冊山龍華蟲又兼
韓歐燕許出之然皆不足名公觀公願力攝受醉心
禪悅蓋蓮花座上現宰官身普度一切者公子孝廉
文學述公行事獨津津於藝文靖蘇文忠夫文忠戒
禪後身文靖沐浴立迹與公皆以金紫為蟬蛻者也
知父莫若子信夫然則公之視氣節標格經濟文章
猶太虛浮雲耳况政事堂中一席與宦海之風波含
沙之齟齬哉

趙忠毅傳

公諱南星字夢白號儕鶴直隸高邑人也為諸生夙
以文章妙天下問字者戶外屨嘗滿中庚午鄉試甲
戌成進士初授汝寧推官稱廉平為要人所訾僅得
戶部主事江陵相臥病朝士徧走羣望公與二三同
志戒勿往仍為紀事詩曰二豎能憂國千官為祝年
傳播人口江陵沒以輿望入銓司尋乞歸後起主選
司事所推擢如海公瑞何公以尚皆一時人望旋下
艱服闋除稽勳郎遷文選有剖露良心疏譏切時務

抨擊要人爲時所嫌復引疾歸未幾再起司考功會
癸巳當大計澄汰流品較若水鏡於肯相私人不少
假坐是奪職聞公主計時靜坐篝燈精心參酌有虫
巢於耳繭成而不自覺援筆註考嚴於要津而寬於
散秩遇一權勢姓名奮脫乙之朝賢如王公德完魏
公允貞顧公憲成各具疏申救有叙其無私者曰都
給事中王三餘考功郎南星姻家也吏部主事呂胤
昌尚書鑱之甥也讀至此人皆拱手縮舌後二十八
年光宗登極卽家擢少常卿累遷至右司空旋總

西臺癸亥復內計公作四函議以攻开趙所鋤去略
與癸巳等整起臺綱人多震悚亡何晉冢宰一以澄
清爲已任謂長安交際殷煩士大夫朝氣皆疲於應
酬亭午入署愒愒不支請以全力盡職業率子部大
夫昧爽入署以爲常又欲廉巡撫之賢者與郡邑循
吏皆久任銓司如考功文選亦不得皇皇弛擔官評
報部故事以卑冗及椎魯寡援者塞白使貪暴漏網
嘉與天下浣濯此習至再剖良心疏與三十年前一
疏自相喁答謂簞簞濫則彈壓輕上官毋入守令責

獻○又○上○力○挽○干○進○疏○謂○司○署○選○者○每○遇○退○朝○羣○輩○遮○
留○講○陞○講○調○講○地○方○講○起○用○恒○至○嗑○乾○舌○敝○而○後○脫○
比○至○署○則○私○書○公○書○闐○戶○盈○几○應○對○不○暇○蟠○木○而○藉○
先○容○積○薪○而○欲○居○上○不○從○則○又○爲○書○切○責○以○爲○違○公○
論○必○如○所○求○而○後○已○面○皮○世○界○書○幀○長○安○雖○使○臣○有○
返○老○還○童○之○術○與○執○簿○呼○名○之○吏○無○異○適○足○以○敗○其○
平○生○而○無○補○於○國○家○旋○當○以○惡○聲○去○耳○請○飭○諸○司○毋○
狗○一○切○請○托○有○挾○而○求○者○自○其○事○會○給○事○某○代○貲○郎○
求○鹽○司○卽○以○貲○郎○置○朱○邸○出○給○事○外○藩○人○噴○噴○稱○鐵○

面○至○其○用○人○不○以○門○牆○引○嫌○則○用○高○公○攀○龍○爲○御○史○
大○夫○佐○憲○必○楊○公○漣○左○公○光○斗○領○諫○垣○臺○班○必○魏○公○
大○中○袁○公○化○中○又○從○人○望○用○新○昌○鄒○公○維○璉○繇○樞○部○
調○銓○曹○時○江○右○一○銓○部○尚○在○事○一○省○兩○銓○尤○爲○剗○格○
又○不○與○江○右○臺○省○謀○獨○二○三○同○志○決○之○雖○犯○衆○忌○不○
顧○也○而○楊○公○二○十○四○罪○之○疏○適○以○是○時○上○先○是○逆○璫○
知○公○爲○海○內○第○一○流○傾○意○歸○往○囑○其○甥○傅○應○星○介○某○
中○翰○贊○於○公○公○麾○去○又○嘗○同○坐○弘○政○門○選○通○叅○公○正○
語○曰○主○上○冲○年○內○外○臣○子○各○努○力○爲○善○璫○默○然○怒○

形於色。又時相魏廣微其父允貞固與公同好也。公素以通家子畜之。無少假相以同姓嚴事。闈倖致揆。席公畜之愈峻。或納賄肆關說。執不可。一日踵門請見。門者曰休矣。將悅憤而寢。相怒曰。擯我耶。人可擯。相公尊未可擯也。積恨入骨。與闈比而謀。嚙公會。高公發。崔呈秀狼籍狀。公議戍之。呈秀倉遑走闈所。叩頭請命。言不去某某。我兩人未知死所。適晉撫缺。公以清譽推謝。公應祥相。啖私人上疏。謂謝以吏垣師。故得之。於是署選。夏公嘉遇與吏垣魏公大中同鑄。

逐公亦乞骸行矣。一時名賢辭春明者。蹇衛相望。且必數人。踰年而國遂空。諸小人乃取公素所顯斥。及諸君子抨擊者。分布要地。作逆闈。牙爪首用某御史。言興詔獄。周內掛網。以賕誣公。行撫按鞫訊。當事者方藉是效。首功辱公。訟廷。子清衡外孫王鍾麗皆遭痛捶。桁楊於市。觀者淚潛如雨。幸太史錢公士升貽書蔡守官。治得護持。力坐賕一萬五千。追呼甚急。六世之業。終朝如洗。僅充十一。非親知。釀金爲助。清衡且敲朴死矣。讞上。公謫戍代州。清衡得莊浪。鍾麗承。

昌○纍○纍○並○發○坐○短○轅○攜○殘○書○一○篋○自○隨○執○鍾○麗○手○仰○
天○祝○日○汝○兩○人○往○戍○所○宜○閉○門○讀○書○彼○蒼○不○終○憤○憤○
也○至○代○僦○居○一○小○樓○顏○曰○吉○祥○又○掃○除○土○室○顏○曰○味○
藥○齋○日○夕○開○卷○或○弄○筆○為○適○卽○有○登○然○之○音○壘○扉○不○
敢○應○晉○藩○遣○使○存○之○未○敢○聞○命○年○餘○烈○皇○帝○嗣○位○
賜○赦○撫○臣○牟○志○夔○故○留○滯○不○聽○歸○踰○三○月○卒○戍○所○所○
著○有○正○心○堂○稿○行○世○崇○禎○戊○辰○贈○公○太○子○太○保○謚○忠○
毅○廕○一○子○子○祭○葬○
論○曰○余○閱○康○陵○之○政○未○嘗○不○掩○卷○三○太○息○也○韓○忠○

正○輸○粟○實○塞○劉○忠○宣○荷○戈○戍○邊○比○瑾○誅○各○還○故○官○優○
游○考○終○猶○幸○也○若○公○始○以○謠○啄○去○位○終○而○流○離○戍○死○
固○小○人○流○毒○然○不○如○是○則○楊○左○忠○魂○往○來○于○霓○旌○霞○
葆○間○者○公○不○得○騎○箕○尾○駕○胥○濤○翔○翔○其○間○負○生○前○領○
衲○清○流○矣○嗚○呼○朱○崖○夜○夢○英○爽○逼○人○翠○竹○冬○生○精○忠○
動○地○制○詞○所○褒○夫○豈○誣○也○

王侍郎傳

公諱之家號心一陝西朝邑人也性恭謹好持高節不苟同流俗人浮沈辛卯舉於鄉辛丑登進士初令清苑稱廉能壬子擢大理評事尋遷刑部主政用法平獄無冤者釋之更生不過也適張差挺擊東宮事泄屬公考訊是時奸人懼謀敗坐誅急欲殺差結案而諸臣左袒者如御史劉廷元刑部郎胡士相等因緣掩覆力主瘋癲之說公曰瘋癲二字顧足服天下萬世哉吾寧爲法受惡不願爲亂賊長談因令絕差

食二日乃置飯於庭呼差示之謂曰若欲飯乎曰然
公曰饑而欲食詎真瘋癲者誠供吐實情當飯若差
乃出數語稍稍及劉成龐保二監久復訊之乃盡得
其所爲謀主者如椒戚鄭國泰及黃花山團聚吉
六都頭等公案俱明白上聞而一時主瘋癲者乃遂
語塞雖然公之禍自此烈矣供實者差也而訊差使
以實供不致以宮禁大逆一案付之風影者固公之
力八九也坐是黨逆者咸側目公謂不主瘋癲則媒
孽前星動搖震器者其罪族不亟置訊差如公者以

法則主瘋癲者其說無以大伸遂決意殺差滅口兼
重罪公以實主瘋癲者而廷臣十八人會鞠所得口
供逆狀一十八條乃徑欲以莫須有三字盡情誅殺
矣嗚呼忍哉光皇帝登極知公留心爲國本計至
深且遠欲大用未果天啓初起公復署前職因上疏
力陳前案初末謂差之梃與崔文昇之鳩等特有中
有不中耳擊而中則文昇一着可無再下不中而差
之藥是光皇帝之崩雖文昇之罪萬死莫贖哉而
戎之首者乃梃也襄公之義春秋大之陛下獨無

意乎。上心動。稍除公。司寺卿。累遷至右司馬。而向
時主瘋癲者。俱斥謫。有差。易曰。不遠復。詩曰。雨雪瀼
瀼。見睨曰。消此之謂也。乙丑。魏崔燄。熾主瘋癲者。更
加峻擢。公逮詔獄。竟死獄中。思廟初給諫。瞿公式
相為請。卹云。

論曰。方張差持挺入宮。光廟之危。且在五步內矣。
而彼愉情獨憂。投器詭曰。瘋癲黨賊者。謾為公患。討
逆者。斥為誣罔。卽宋紹述之奉王氏偽學之禁。程朱
未有謬亂若斯者也。公在西曹。力主爰書。遂章法斷。

公洵功在國本哉。獨是九廟有靈。幸不中於青宮。
矣。漢而折肱。無驗。終速禍于肘腋。闕人使萬年有道。
之。聖君僅為一月太平之天子。此又敷天共慘。
草莽臣所為涕泗滂沱也。

敬順野乘一集卷二

梁溪鄒游流綺甫纂

洪侍郎傳

公諱文衡字桂渚直隸歙縣人也成萬曆己丑進士授戶部主事司太倉釐革耗蠹清風謬然時前星未定言者竄逐相繼公抗疏謂冊立之期已過十年冠婚之期亦越五載皇上試想今日宗廟社稷大計續承敬佑良謨事孰大于此者乃明旨屢更人情共駭臣誠不忍戀一己之祿位而坐視人心之動搖疏

入不報改禮部尋改吏部因時宰媚之請告去亡何
竟移南虞部往時遷客視官如郵亭置職業不問公
獨執掌拮据不厭瑣屑節省水衡金錢十餘萬卽中
貴多斂手避遷光祿太常少卿復林居十餘年光
宗卽位起大理少卿轉太常卿祧廟議起公謂今日
所議祧憲廟者則睿宗之父世宗之祖至皇上之
親睿宗則爲高祖之父亦旣五世矣子雖齊聖不先
父食憲廟議祧或者睿宗尊親之念亦有不安者
則臣子所宜體也祖父一體原無軒輊憲廟議祧或

者世宗尊祖之念亦有不安者則臣子所宜體也
蓋昔者睿宗之入太廟寔出世宗一時崇奉之至
情揆諸典禮睿宗非繼統之君不得入也且睿宗列
在藩封常爲武宗臣矣一旦加于武宗之上于
禮旣不合于情亦未安第世宗孝思純篤臣子過
于將順遂因仍至今而考之前代如漢唐宋繼統之
君原無此議也臣竊謂今日所當祧者似以睿宗爲
宜況睿宗自有特廟玉芝宮朝夕上膳禮極尊崇儼
然百世不遷之宗于睿宗在天之靈亦甚慊也皇上

宜及此時。釐正。語雖未行。朝論偉之。亡何病卒。贈工部右侍郎。公神宇嚴重。志方行。潔進退不苟。取予介然。望之亭亭嶽嶽。有古大臣風。顧未竟其用。論者惜之。○
論曰。熹廟時。以名流同起。田間旋歿。景邸者。四大先。劉公元珍次。公又次。鮑公應鰲。陳公大綬者。以憂時。後先實粹。曙幾先者。不勝云。古之痛焉。顧世稱公爲殊絕人物。謂其清節罕儔也。乃當大故。植夫禮義。色。昌言。動閔世道。視險如夷。不阻不渝。非直養無害者。不能。豈僅僅以廉靖稱而已。使得永年。光日月而扶名教。可勝道哉。

汪尚書傳

公名應蛟直隸婺源人總角時卽以聖賢自許成萬曆甲戌進士除南京兵部主事尋改禮部修方正學墓置田祀之考最入京感時事抗疏忤達官移疾歸有以美秩招之者謝不應以福建憲副出遂迴翔藩臬間備兵易州有礦瑄熾甚公露章劾之謂聖明在上而豺狼噬人於白晝狐鼠公行於大都日甚一日陛下止以利在帑藏之私蓄而臣正患在閭巷之殘傷陛下或苟安在目前之無恙而臣正慮在將來之

不測倘及今不悔悟而日積月釀以至天變人離雖復盡天地爲黃金變河沙爲珠玉而瓦解勢成天下事可勝道哉疏入曰主優容焉旋以倭警移備津門亡何鎮撫天津倭難弭罷津撫改撫保定開幕沽一帶水田歲得數萬米後北兵發難從津門轉輸人賴其利畿南大饑督有司賑貧乏全活者億萬計疏爲三輔請命謂民窮已極賣妻鬻子止博數錢搗葉磨根尚欠一飽若催徵之令未已則賑濟之事謂何得旨減稅額六萬屬吏以尉薦謝者絕不與通晉少司

空引疾婦遷貳吏兵又推兩廣薊遼河道總督皆不報天啟辛酉赴大司農名而紅丸事起孫宗伯鄒總憲相繼疏論方從哲上命九卿科道會議公具疏謂先帝以京勞致疾崔文昇故進下藥勢遂不起而李可灼紅丸又促之違進御之舊章啟奸宵之陰竇並應拏解法司正罪而從哲實荐可灼不能討賊反行賞奸揆諸許世子之爲法受惡何以自解似宜聽其自請蓋還居朝恩命官階遠歸故郡列爲編氓庶幾大義明而群疑釋又論移宮一案謂皇上登極

年已十六。選侍垂簾。意欲何爲。說者謂與封后總一
機關。所不敢知。倘二事有一得行。不知朝廷作何景
象。從哲以顧命元老。游移可否。若有若無。若痴若黠。
臨大節而不可奪。無望矣。且以封后移宮二事。合于
進藥一事。不知萬世春秋之筆。當書從哲爲何如人
也。而二三群小。咸側目公矣。時東西多事。頻頻煩
公所條上。多主清汰。而軍興不乏。議三方布置者。需
兵三十萬餉。一千二百萬。力持之。減其半。往往與時
相左。有議其老不任事者。遂乞骸歸。加太子少保。謝
疏引宋儒言。以親宦官爲戒。歸五年而卒。公敬慎直
廉。不務矯飾。議論舉措。自耻詭隨。敷歷中外。幾四十
年。雖心存恕厚。未嘗察察求人。過而奸貪不法。自對
之。消沮有古大臣風云。
論曰。士當危疑之會。不能自立。旅衆爲進退者。得失
心累之也。汪公視爵位如浮雲。敷歷中外。建豎表表。
又肯媚時相。以改節乎。夫使汪公而媚時相。其進秩
亦不過尚書官保而已。違衆守。是不顧時忌。不揉邪
說。庶幾古稱社稷臣矣。

何總督傳

公名士晉字武義直隸宜興人也○中萬曆甲午舉人○
戊戌成進士○爲人智深勇沉○膽決無雙○筮仕得寧波
司理搏擊豪強○案無留牘○入爲工科給事中○巡視節
慎庫釐奸剔蠹○能舉其職○甲寅巡視皇城○乙卯有
張差之獄○當事者恐詞連戚畹○欲以風癩二字蔽之○
不肯深究○提牢主事王之寀○獨請窮治○主使臺省右
戚畹者○不以爲然○公獨上疏曰○頃者逆犯張差持挺
突入慈慶宮○打傷守門內官李監○直逼前殿簷下○其

去東宮。僅數武耳。藉非天祐皇儲。神禘兇魄。立就擒縛。今日乾坤。不知作何景象。而朝中大小臣工之頸血行且濺于何地矣。此事關係宗社安危。祖宗二百五十餘年所未經見。皇上宜何如震怒。三事大臣宜何如計安。乃旬日以來。似猶泄泄。豈刑部主事王之寀。疏果無故而發。大難之端耶。夫將則必誅。國之大禁。見賊不討。臣之大僂。事勢至此。亂臣賊子。人人得而誅之。臣方痛心疾首。誓不俱生。至于自皇太子冊立以來。告之天地祖宗。則天地祖宗。式憑之矣。告之

百官兆姓。則百官兆姓。翼戴告之。九夷八蠻。則九夷八蠻。拱嚮之矣。當此之時。雖內有同床半夜之啼。外有鑄山煮海之汰。察以公孫詭之謀。挾以中常侍之党。日令荆軻聶政。與東宮爲難。天下人心。其誰與我。祇足取赤族誅。爲萬世笑耳。故東宮安。則各官安。諸藩安。海內俱安。東宮危。則各官危。諸藩危。海內俱危。今當東宮震驚之後。人心觀望之時。皇上亟宜下法。司之。請正罪人。謝九廟。懾諭中官。慎起居。嚴侍衛。而凡與椒房之列者。俱令分任其責。明示反側子奸宄。

決無可容則保護東宮之第一義也疏入不報已而
成臣鄭國泰辨戶部主事陸大受疏謂無端受疑公
復上疏曰人之疑國太非始今日試問國太三王之
議何由而起閨範之序何由而進妖書之毒何由而
構此首禍之疑也至今未有以對天下也又問國太
孟養浩等何由而杖戴士衡等何繇而成王德完等
何繇而錮此挑激之疑也至今未有以謝天下也又
問國太如林之旅環衛洛陽而青宮之儀衛誰爲簡
汰雕峻之貢征及萬厦而淑陵之坏土誰爲寢閣此

偏注之疑也至今未有以慰天下也且今日之疑國
太又非僅僅一張差而已仍恐騎虎不下挺而走險
一擊不中別有陰謀皇上不急護東宮則東宮爲孤
注萬一東宮失護而皇上又轉爲孤注矣國太若欲
釋人之疑計惟明告中宮求皇上速將二監勅付法
曹如供有國太主謀是乾坤之大逆九廟之罪人借
劍上方請自臣始設與國太無干臣請與國太約令
國太自具一疏告之皇上誓之九廟此後凡皇太子
皇長孫一切起居俱係國太全家保護倘有疎虞罪

坐國太則職亦願與在廷諸臣亦願以國太身家之事乞皇上與皇太子有好無尤永全恩禮若國太畏各犯招扳一味熒惑聖聽久稽廷訊則此獄將不結乎我國家鑒前代之失獨不許外戚預政其棄此輩何異孤鵠腐鼠况謀反大逆知情故縱隱藏並坐重辟犯干十惡不在八議大小臣工行且合力殿爭操三尺而議其後矣疏入神宗心動乃御慈寧宮召見輔臣九卿科道諭以保愛皇太子至意令速決張差并斃龐保劉成于內事始得竣而側目公者遂倡

爲元功奇貨之說且借中書出公浙藩矣旣而復遠徙公廣西叅議庚申光宗卽位公適以齋捧入凡楊左諸條畫皆公密與商定已擢公尚寶少卿辛酉轉太僕壬戌出撫廣西甲子陞兵部右侍郎總督兩廣而魏璠用事前主風癩者俱起列要地遂起汪文言獄坐公贓十萬列公名三朝要典之首旦暮且殺公會公卒得免毅宗登極知公寃悉蠲其贓仍復原官特加贈卹論曰公爲孤童卽遭家難仇人旣殺公父慮公爲後

患思并剪焉。公內則推心泣血，誓不共戴。外則百計
韜晦，始獲自全。已卒，自父寃置仇于理論者，以為有
伍相國風。及觀公兩封事，又何不避斧鉞也。求忠臣
于孝子之門，信哉。

封公直節公孫

公直節公孫

侯祭酒傳。公直節公孫，字若樸，號水菴，商丘人。太常寺卿執蒲之次，
子尹部尚書，狗也。弟也。太常正色立朝，手系獄獄公
為書生時，受知於建德家宰鄭公。三俊萬曆丙辰，兄
弟同舉進士。家世科名，文章氣節重于當時。已未廷
試，改翰林院庶書。壬天赦申，以編修與纂修書神
光兩廟實錄，手挺擊紅丸，移宮王家直筆。夫書乙丑
分考禮闈，盡黜時文庸靡之習，所得士如張肯堂、鄭
友玄、黨還、陳宗文等，後皆為名臣。時奄魏忠賢竊柄

附會故讎。澆濯遂夫。可冠玉公。紀公爲起居。淫直書
其事。且摘發其奸。謂將貽禍不小。而奄不知也。詎其
私人金吾。用爾耕耨。致公公。公峻拒之。遂謝病歸。奄于
是時。公而公。故與應。由楊忠烈。嘉善魏忠節。善時。楊
公山。疏列奄。云。廿四。太罪。奄疑公。與其謀。嗾所。秋御
史某論公。爲東林。邪黨。矯旨。削籍。已而。緹騎。四出。清
流。幾存。而網之。禍公。里居。端搢。不免。顧策。遂。園。日。夜
藝植。道遙。其。中。賦詩。飲酒。不輟。會。當。烈。皇。卽。位。奄。伏
誅。尋。以。奉。坊。中。允。起。公。田。間。佐。蒲。州。韓。績。駁。正。三。朝。

要典。克記。注官。尚書。溫體仁。以爭。故。事。囑。公。稍。曲
筆。掩。護。公。不。可。累。遷。論。德。無。子。掌。坊。兼。翰。林。侍。讀。又
以。言。語。忤。體。仁。尋。出。公。爲。南。京。國。子。監。祭。酒。公。自。分
考。有。知。人。得。士。名。三。吳。文。人。至。相。謂。曰。安。得。采。首。山
之。銅。鑄。侯。太。史。令。長。同。文。衡。及。抵。任。天。下。士。子。赴。試
者。數。千。人。自。國。家。設。成。約。以。來。人。文。之。盛。所。未。有。也。
公。考。祖。制。定。監。規。疏。陳。興。辟。雍。勸。實。學。求。真。才。養。士
氣。志。廩。餼。廩。師。儒。等。六。事。上。嘉。納。之。未。何。以。病。請。告
歸。卒。年。僅。四。十。年。有。五。公。孝。友。篤。切。磊。落。有。大。志。恥。屑

層流俗細行學博而正論議沛然為文章波瀾藻麗
根極理要儀度恭肅人不敢犯於書經史子集詩賦
皆旁搜博覽手自丹黃尤並屬詩以大雅自命嘗言
詩自三百篇而後存者皆漢魏存矣六朝本也唐
存矣五代宋元世國朝並嘉存矣今又亡也識者
以為名言為士女至臨謂曰
論曰賈生為傳不得職至與泣以死古人之不苟于
其官如此近世史秩視為冷局類媛媛姝姝柔聲下
氣涵養相體人稱為女兒官公獨隨事効忠觸奸指
佞獻可替否抑何壯與彼處高爵膺仕略不以人國
為念而惟身家是營者視公真天淵矣

方大理傳

公名大鎮字君靜號魯嶽桐城人萬曆己丑進士授
大名府推官入爲江西道御史以病乞歸丁未起浙
江巡鹽戊申請告壬子巡按河南事未竣而移疾壬
戌改按京畿強起應召蓋臺資二十餘年矣陞大理
寺丞晉左少卿奉命使蜀旣還而當禍作遂乞休陞
南京光祿寺卿未任其難進易退之節始終一致天
下高之居官公廉惠愛所至有聲尤尚風節崇理學
在大名以平恕稱獄無滯囚嘗平反疑獄所活者百

三十人在浙江通益政之鬱免白糧之稅商民交便
之嘗爲陳簡討憲章胡布衣居仁請謚在河南疏請
儲講再請褒崇理學名臣鄒元標周汝登王良羅汝
芳顧憲成等福府莊田四萬屢奉嚴旨公執奏竟減
其半在大理盡心評駁凡出死囚十三人奉使陞辭
疏請經筵四事并請召用諸理學正人時憲臣鄒南
臯馮少墟兩先生建首善書院於京師聚同志講學
其中公亦與焉及公使還諸小人方排斥理學毀書
院兩公皆去位公筮得同人於野遂引疾歸自號野

同翁隱於白鹿山仍與門人講學不輟公每言性善
徵諸仁義仁義根於無爲而爲之心此爲至善此爲
良知此爲窮理居敬作論六篇力排異學他所著有
聞斯錄桐川講義易意詩意禮說等數十種皆干城
儒教之書鄒馮兩公嘗嘆曰方魯嶽天下士吾道中
一人也其推重如此公性至孝太恭人歿公年垂七
十禮惟衰麻在身公獨哀毀廬墓朝夕孺子泣竟以
過傷及禫而卒門人私謚曰文孝先生公子孔炤丙
辰進士官至兵部侍郎孫以智崇禎庚辰進士擅文

望負氣節自申酉後披緇入山所著自祭文及詩歌
並凄壯可風曾孫中德彬彬世其家學
論曰先生端毅純正允為一代大儒游歷清班風猷
蹇蹇安貧樂道述史譯經先生於是乎不朽矣彼有
科名赫奕身竄遐荒名實俱喪其視先生孰失孰得
為何如也

陳尚書傳

公諱道亨江西新建人舉于鄉旒無儲粟有以居間
請者麾去之成進士授刑部主事念母老改南兵部
調南吏部再丁家難歷郎署二十年幾老矣泊然不
為念也風雨淅瀝床無幃夫人于巖冬猶禦葛裳益
忻忻自適後參楚藩舉卓異攝藩司不戒于火將延
庫藏仰天祝之天為返風晉山東臬使遷右轄遷閩
左轄所到皆以卓異舉久之以南副院督操江舊額
軍萬五千船四百餘後僅存疲卒四千朽舫六十餘

而巳。議補之。又造營房以棲陸兵。訓練無虛日。括羨餉三萬餘金。克遼餉。遷少司空。寇復以少司空治河于濟。兩載疏濬黃澗。安瀾。值蓮妖之難。連破數邑。遂謀犯濟。濟已有備。具內應者已斃。杖下矣。賊爲膽悸。復遣都司楊國棟。亟救。竟而遙張疑兵。以護運艘。啣尾而進。京無匱糧。賊平。僅拜銀幣之賜。進長留樞。欲仿戚將軍之法。訓健兒。又定爲造船三則。終前志也。時逆璫漸亂。政。楊忠烈首擊之。公率南都九列大臣。相應。手自屬草。大略謂人主一心。官府之所取。平臣工

之所稟命。乃皇上眷念忠賢。不忍聽其陳請。而且責楊漣以牽誣罪羣臣。以附和臣等。何容置喙。然臣竊思漣受顧命。又感特恩。其奮激觸邪。以其見聞之真者。入告。正漣忠于陛下之職分。豈敢妄有牽誣。卽在廷諸臣親見忠賢。假以小勞。恣其大逆。是以同心討罪。皇上試思邇來朝政參差。國勢搶攘。物力凋耗。世界萎蕪。豈無召致而然。今觀忠賢罪狀。假令十有一真。已足虧損聖德。傷和致戾。况如廷臣博採就中。十無一虛。惟祈陛下卽賜處分。自爲社稷計。疏入。璫

惡甚遂決不能容公。因引疾歸。迄能考終。公和易近人。而風規凝遠。望而知爲名德也。同鄉有陳侍郎邦瞻。陳罔卿。大綬。稱三陳。云。論曰。弘治間中人。李貴權傾中外。大臣競賄結之。擢庵王公獨不與通。或有諷其隨時者。王公曰。吾三十年孤燈發婦肯渝節乎。又正德間。劉瑾亂政。南都臺諫以言事被逮。衆皆畏避。惟泉山林公往贐之。且欲爲直其事。瑾怒。致謫降歸。兩公皆官南大司馬。而德尊望重。又與公同。顧未若公之侃侃出身犯難也。公嘗語人曰。希賢希聖。我未之能。然未嘗一日不學。爲君子。未嘗敢一置其身于不善之地。見仕途有屈節權門者。則深輦嘆息。謂士患不能得死所耳。窮通禍福。有命焉。此身一失。胡可復也。公之所見如此。則其知幾勇退。克保始終。又豈偶然也哉。

蔡侍郎傳

公名毅中，字弘甫，江西建陽人。母夢神人，緋衣象簡，鼓吹下庭際，寤而生。公公少穎異，五歲通孝經，父問讀書何為，公曰：欲為聖賢耳。七歲舉奇童，邑令試咏。堂上鶴應聲，曰：海上歸來不記年。鳴臯聲徹霽雲邊。上林得獻千秋賦，御筆親題一品仙。聞者驚歎，尋補諸生。中萬曆己卯舉人，主試趙公南星，一見目為經濟宏才。至辛丑始登第，選讀中秘書。癸卯授簡討時，公慮礦稅縱橫必亂天下，乃節祖訓註疏進之。略曰：

恭惟二祖法制之詳○垂憲萬世○而于礦稅尤加禁戒○
蓋知后世小人能動人主之欲者○無如言利故有開
利禁者必誅○金寶之山必封○關市之徵從薄○皇上
仁聖孝慈○動遵祖訓○邁行開採○遂至百姓流離○臣目
擊時艱○節取皇明寶訓○大明會典諸書○集礦稅二卷○
竊加註疏○妄欲回天○書上院長惡其不由已進○又靈
濟宮講學○每會數十人○奉公上盟○側目者復以此譖
公于四明中○公計典又六年○補麻城丞○旋以行人司
副徵應命入都○具疏進古文孝經集註○備青宮啓沃○

晉尚寶丞陪推國子司業而某給事有推高邑之怒
以怒公者因論推司業不當公拂袖歸又四年而給
事踞吏垣復以計典中公迨兩朝鼎革公論旁昭公
起廢籍判長蘆其爲行人司副尚寶丞者再改國子
司業旋以官諭領司業事克經筵講官是年晉祭酒
時雍正久弛公力整飭有遵祖制復監規及進經書
字學要覽會編疏最後有擊逆闖一疏蓋自楊忠烈
首發二十四罪臺省及大小九列繼之疏引武廟之
處瑾神廟之處保願皇上急除肘腋之奸疏上逆

闕戰手而詢言國學有何相干亦來攻我時趙忠毅
秉銓高忠憲秉憲楊左魏袁諸君子林立要津公皆
以道誼交歡比忠教見逐百僚匿影公獨送之大井
且致書真定巡撫程公正已白其寃隨擢禮部侍郎
兼翰林院侍讀學士仍攝監事時駕臨雍有期有三
中涓送監生百餘名撥厯公欲留諸生候橋門之典
不聽遂矯旨改明春視學公上視學改期保安聖躬
疏略曰視學帝王彝典列祖每于登極後數年舉行
今卽遲之明歲無妨大禮獨是皇上養身之道不

可一日不講伏願端拱默坐正心誠意無令陰邪得
以柔媚進因上誠正格致箴而彈文叠至乙丑勸令
致仕崇禎御極臺省交薦方奉酌議起用之吉而公
於辛未病卒公讀書破萬卷自五經至百家無不
研覽所著有孝經註疏詩經輔傳訂正易書等註三
禮彙義春秋通志及團營班軍考革家丁議火攻書
籌邊書四時志幾十種至於孝友性生甫四齡遇父
病卽籲天請代旣而父歿嘔血斷葷三年如一日廬
居數載出告反面問安視膳事死如生純孝通神明

若○迺○撫○幼○弟○如○子○撫○猶○子○如○弟○旌○孀○妹○置○義○田○立○義
館○輯○族○譜○凡○古○人○展○睦○事○實○踐○躬○行○世○稱○有○德○君○子
云○
論○曰○先○生○以○衆○正○薦○剡○而○陟○官○以○權○璫○摧○折○而○休○致
其○于○出○處○之○際○亦○旣○卓○然○矣○簪○在○木○天○擅○著○述○聲○稱
一○代○大○儒○無○媿○而○予○尤○聞○其○少○時○讀○書○河○東○一○夕○有
鄰○女○自○薦○正○色○拒○之○又○尊○人○臨○洮○公○在○寧○遠○一○幕○官
以○獲○罪○聞○先○生○省○觀○次○洞○庭○挾○千○金○請○解○先○生○麾○之
去○嗚○呼○卽○此○二○事○而○盛○德○醇○修○可○槩○見○矣○夫○人○品○試
之○于○財○色○而○始○定○彼○今○之○貴○公○子○漁○色○婪○財○卒○至○身
膏○法○網○一○旦○身○家○同○盡○安○在○天○道○無○知○耶○曷○不○取○先
生○遺○行○而○三○思○之○也

陳左都傳

公名于廷字孟諤號中湛直隸宜興人也祖母邵以節聞父一經以儒行顯公登乙未進士令光山改秀水光故多大豪行錢縉紳間以交令公痛絕之秀多才地公聽治之暇專務作人治最行取授御史時科臣汪若霖以言事忤輔臣意補外公抗疏論救坐罰俸奉命巡河東鹺內豎張忠方摧晉稅爪牙吏多虎而冠撓鹽法公首論忠抗令不法狀乞除之詔置暨他所復蒐鹽羨及贖緩飽三晉飢民賴全活者無筭

巴○西○京○師○正○陽○門○災○公○疏○諫○陛○下○深○居○已○久○不○復○當
陽○實○之○不○存○名○將○焉○附○故○天○怒○而○百○尺○為○傾○不○報○總
憲○缺○公○疏○請○推○補○并○特○薦○鄒○元○標○趙○南○星○王○德○完○諸
名○德○舊○臣○已○丁○父○艱○服○除○懇○按○江○右○淮○藩○庶○子○常○洪
擅○國○作○奸○增○益○護○校○蔽○匿○逋○逃○為○南○州○大○患○公○奏○洪
謀○不○軌○置○大○辟○因○覈○藩○宗○之○庶○代○嫡○死○作○生○幼○冒○長
詭○養○異○姓○一○切○為○宗○蠹○者○使○祿○無○闌○出○復○請○節○贖○稅
數○萬○兩○輔○宗○祿○所○不○贍○大○璫○潘○相○踞○湖○口○摧○稅○桀○黠
害○人○激○變○商○民○公○申○明○律○令○三○疏○請○罷○稅○撤○璫○詞○義

慷慨上特可其奏已改差按山東歲飢發贖繼俸薪
賑之所全活如三晉時庚申晉太僕辛酉轉太常紅
丸議起公奮筆議曰紅丸未審何藥卽誤矣從無誤
弑人主之律如律于父母止有謀弑凌遲一款更無
別條減等文昇可灼爲故爲誤總無逃于大辟壬戌
秋刑部尚書王公紀以攻客魏奉嚴旨爲民公特疏
申救尋進大理轉吏部左侍郎時冢宰趙公南星也
魏璫旣借陳九疇疏逐趙與御史大夫高公攀龍公
攝部當推代者輔臣顧秉謙傳璫意屬某某且爲危

言動公不可與副院楊公漣僉院左公光平同以
時能計焉也。王惠交于上當怒去以所准為道公
申效奉數大野轉吏將式封取報案宰鐵公南星此
殊匪特尚書王公錄以文容驟奉蠲旨為男公封起
限斜類華文具可改為始為賄餘無幾于大科主決
婦入主之舉收幹于父母止有驚殊數異一殊更無
式籍賦公齊筆端曰孫式未審何藥何類矣錢無籍
親之微全部收三晉報與申晉大對辛酉轉太常孫
測測土替河其表日烈蓋其山東東嶺頂發觀鱗南流

靡麗多以宴飲登眺荒厥職公約法教章尤勤飲
游之戒官箴肅然辛未北總憲缺公以副推得旨召
用公蒞任條陳院事有不敢稊稜以博渾厚亦不捨
擊以傷元氣語未幾草場災下御史高俸獄武闈事
又下御史余文燭獄公肯出疏申救尋考滿加公太
子少保公三疏乞休不允時上念疆場乏材欲伸武
臣之氣弁之軼息而有驕心者窺見微指浸以難馭
巡撫御史視徽戒飭衛弁有肯着堂上官考核公言
巡方按臣煌煌代天將命而戒飭撓于武弁何以嚴

驕慢五覆不奉詔御史畢佐周復如徽事仍着考核
公堅執如前上怒削公籍公嘆曰老臣今有以報明
主矣當魏璫時爲天下守道道喪身與俱喪今當明
時爲朝廷守法法存身與俱存吾何憂歸二年而卒
南都復官仍加贈卹子貞貽貞裕貞達貞慧慧允負
文章氣節孫維崧才名卓犖爲士林巨擘云
論曰虎豹之在柙也三人童子思標尺箠制其命及
其負囁跳躍則責育避之矣當忠烈劾闕大小諸臣
草上以百計豈盡慷慨忠貞或亦值闕在柙時耳趙

高既逐大獄將興此正擇人而食之時公于是時侃
侃推擇無少阿徇斯殆責育所不如彼其奮不顧身
豈望優游林泉重登鼎鉉哉蹶而復起再領烏臺歷
事四朝終始一節謂天不佑正直吾不信也

張清惠傳

公名瑋字席之號二無直隸武進人也少孤貧家徒
四壁嘗與巢刺史之梁就學外塾取糠粃自給不足
則忍饑往還不輕就人一飯蓋秉性介特如此下帷
攻苦無間晨夕有聲諸生聞王子受知督學熊公廷
弼卽以是秋領解額公不色喜布袍草履居然龍泉
庵上苦書生也兩上公車不第閉戶力學不一至有
司庭已未成進士授戶部主事時熹皇帝初立行
大婚禮取給太倉出納浩繁餘羨流溢一時望爲金

穴○大○司○農○欲○以○公○典○筦○鑰○公○謝○不○可○于○是○清○譽○滿○長
安○擢○公○職○方○司○旋○進○正○郎○故○事○每○推○總○戎○一○人○可○獲
暮○夜○金○數○千○公○在○事○數○月○獨○懸○缺○不○補○當○事○心○儀○公
將○命○公○典○天○曹○啓○事○託○所○知○道○意○時○天○啓○甲○子○也○公
觀○時○事○多○艱○且○恥○由○門○戶○以○進○復○力○謝○之○僅○督○粵○東
學○政○以○出○粵○東○風○俗○侈○麗○衡○文○者○宮○室○供○帳○輿○馬○飲
食○之○奉○甲○于○他○省○象○犀○文○石○名○花○珠○貝○雜○置○左○右○公
切○屏○去○獎○才○雋○拔○孤○寒○杜○請○託○士○風○不○變○會○省○城
請○建○逆○賢○生○祠○其○上○梁○文○例○出○督○學○手○公○遂○拂○衣○賦

歸○來○清○風○兩○袖○橐○中○無○粵○東○異○物○授○徒○里○中○蔬○食○菜
羹○研○朱○點○課○有○聖○蒙○林○學○化○所○不○能○甘○者○公○從○容○講
授○志○其○身○為○賢○人○與○從○名○都○絳○帳○歸○也○時○論○翕○然○歸
重○顧○以○恬○澹○無○求○不○事○標○榜○逆○賢○既○極○一○時○遭○瑞○錮
者○連○茹○以○升○公○至○已○已○始○起○補○江○西○參○議○猶○然○平○調
而○已○歷○遷○福○建○江○西○山○東○副○使○周○旋○藩○臬○几○于○憂○斷
京○華○會○吳○公○宗○達○在○政○府○志○折○公○廉○潔○端○方○難○進○易
退○力○言○者○銓○曹○始○內○轉○尚○寶○旋○進○太○僕○也○又○以○直○道
忤○時○降○補○南○太○理○寺○丞○庚○辰○始○起○應○天○府○丞○時○南○畿

旱○蝗○交○作○民○不○聊○生○公○且○賭○道○殪○傷○心○殞○涕○拊○循○賑○恤○不○遺○餘○力○辛○巳○升○南○光○祿○寺○卿○召○入○爲○僉○都○御○史○烈○皇○帝○痛○寇○盜○縱○橫○皆○貪○吏○尅○剝○廢○削○賄○賂○營○求○竭○澤○而○漁○驅○之○走○險○欲○亟○拔○清○貞○絕○俗○之○品○師○表○百○僚○知○公○與○方○公○岳○貢○會○公○澂○實○爲○領○袖○方○公○旣○用○外○吏○大○拜○會○公○亦○自○因○服○領○節○鉞○九○注○意○承○公○疑○駭○太○用○遂○擢○公○副○都○御○史○公○歷○上○風○廉○臺○雖○謂○急○往○無○以○鑿○來○垂○戒○亦○當○昭○勸○今○極○貪○則○原○任○巡○按○蘇○松○御○史○某○極○廉○則○原○任○南○道○御○史○成○勇○勇○與○臣○從○不○識○面○但○已○邠○家○居○聞○勇○被○逮○士○民○泣○送○者○萬○計○至○百○里○不○止○後○入○南○都○始○知○勇○在○臺○不○濫○准○一○詞○不○輕○批○一○贖○不○輕○受○屬○員○一○蔬○一○菓○杰○紳○悍○吏○素○爲○民○害○者○勇○鐵○面○剛○腸○不○少○假○借○日○與○民○講○聖○諭○六○條○有○父○子○兄○弟○之○訟○輒○以○孝○友○至○性○委○曲○開○導○至○涕○泣○去○臣○離○南○中○士○民○送○臣○就○道○同○聲○願○俗○成○御○史○惠○我○南○人○雖○前○奉○嚴○譴○宜○召○爲○諸○御○史○勸○抑○臣○有○感○焉○廉○如○成○勇○其○譴○也○以○叅○舊○輔○貪○如○某○其○處○也○亦○以○叅○舊○輔○兩○人○立○身○旣○殊○起○念○各○別○在○勇○直○抒○胸○中○所○見○可○謂○拂○士○之○糾○在○

某自知公論難容。不過奸人蓋醜而已。若漫不加別。使大貪大詐。借一疏爲護身之符。囊橐旣盈。顯名不失。豈補過之司。可以納汙藏垢。求賢之典。可以啓倖庇貪也哉。疏上一時稱快。而公亦漸病矣。上開平臺。召公慰諭。諄諄且問。公楚寇事始末。公欲有所啓。以事多掣肘而止。自痛負上。虛懷隆禮。有志不伸。遂憤鬱以卒。卒之前數日。猶時欲有所忼慨論列云。公少爲薛尚寶敷教所知。後與同志講學書院莊事。孫文介而於鄉之賢者。吳禮部鍾繼。楊翰撰。廷鑑最

稱莫逆。其學以慎獨知幾爲宗。于禪理尤深。游天童三峰。兩大師間。末後一着。則自謂得力於祥符。繼起大師云。南都贈公左都御史。謚清惠。論曰。古巨儒名卿。究心宗乘者不乏。然或遊戲翰墨。或弘護金湯。求其以苦行頭陀。現宰官身。發明大事。惟山谷無垢。今得公而三矣。然山谷不能免黔南之謫。無垢不能免橫浦之竄。皆流離放逐於九死一生。中絕後再甦。公雖留滯外藩。身名俱泰。晚受主知致位。執法吾於是知先帝之愛惜人才。過宋代萬萬

也

葉侍郎傳

公諱茂才字參之號閒適直隸無錫人也成萬曆已

丑進士授刑部主事念父老改南工部攝六篆事並

治○推○蕪○閔○杜○羨○餘○開○雙○港○之○禁○國○課○既○登○日○黠○等○放

船○不○取○一○緡○皆○驩○呼○祝○贊○而○去○疏○以○羨○金○餉○邊○且○日

往○苦○旱○行○旅○罕○通○通○而○羨○非○臣○願○也○請○勿○為○額○上○賜

金○旌○之○壬○辰○改○吏○部○郎○請○告○歸○里○丁○外○艱○戊○戌○守○故

官○亡○何○復○請○告○已○亥○補○禮○部○郎○辛○丑○遷○尚○寶○丞○丙○午

晉○少○卿○戊○申○遷○大○理○丞○壬○子○晉○南○太○僕○少○卿○時○朝○論

訛○滄○有○斥○言○事○諸○臣○爲○護○奸○者○公○抗○章○爭○之○謂○當○日○
毒○害○楚○宗○妖○書○煽○禍○揭○留○私○人○壞○祖○宗○二○百○餘○年○計○
典○諸○不○法○事○皆○非○影○響○發○奸○摘○伏○忠○言○讜○論○表○表○在○
人○耳○目○者○欲○坐○以○奸○人○捏○造○之○罪○將○使○大○臣○不○以○伊○
周○爲○法○臺○省○不○以○唐○介○爲○師○決○裂○清○議○貽○禍○無○窮○疏○
入○不○報○其○黨○更○攢○集○攻○公○公○怡○然○應○之○謂○臣○慙○直○無○
黨○何○分○彼○此○孤○立○寡○援○何○心○求○勝○內○省○不○疚○何○慮○夾○
攻○雞○肋○一○官○何○難○勇○退○貽○書○當○事○曰○今○已○決○意○入○
山○無○煩○再○計○然○公○論○明○則○治○不○明○則○亂○明○於○上○則○治○

明○於○下○而○不○明○於○上○則○亂○此○理○亂○大○機○也○時○臺○中○有○
欲○禁○旁○輩○者○則○有○旁○輩○止○贊○說○年○例○考○選○不○愜○輿○情○
則○有○上○鄭○太○宰○曹○璉○等○告○歸○天○啟○初○起○太○僕○少○卿○癸○
亥○遷○太○常○皆○不○赴○甲○子○擢○南○工○部○右○侍○郎○甫○蒞○任○見○
端○談○方○張○時○事○日○異○先○幾○引○去○雖○單○封○指○日○弗○戀○也○
有○同○人○北○上○者○輒○聾○感○叮○嚀○曰○前○星○未○耀○主○上○孤○危○
請○信○郎○出○閣○講○學○此○今○日○第○一○義○諸○君○何○不○慮○及○其○
片○言○扼○要○如○此○比○党○禍○起○高○忠○憲○從○容○自○決○經○紀○之○
無○餘○力○未○幾○亦○卒○年○七○十○二○公○勁○骨○清○標○昂○然○玉○立○

天性孝友○廉明直諫○與顧端文○高忠憲○皆以道學相
規切○爲鄉邦○典型○雖備居○九列○適藉○四十年○家○酷貧
布○示○楚楚○不○作○子○鳥○態○傲○橡○庫○隘○而○糞○除○整○潔○堂○上
榜○曰○世○無○訟○圖○字○以○此○古○世○德○云○星○未○舉○至○上○亦○前
論曰○世稱葉先生○醇厚長者○謙謙抑抑○蓋恬雅○薦茂
君子也○乃其當事○又何屹然壁立哉○仁者必勇○誠哉
是言矣○出○幟○於○朝○處○範○於○鄉○進○退○光○明○取○予○介○如○如
先生者○乃真道學也○噫○卽以宰制天下○坐鎮群品○有
餘矣○

周尚書傳

公諱嘉謨○字明卿○號景松○湖廣景陵人也○中隆慶辛
未○進士○授戶部主事○南○弱冠著能聲○丁丑○出守韶州○
韶俗醇樸○公剸刃有餘○壬午○晉憲副○治瀘州○下車卽
窮治大憝楊騰霄○豪猾股栗○會建武兵變○同官備具
威○咸縮○慙不敢前○公曰○是何貌虎而遽鋒爪迫人也○
輒單車徑往○曉諭禍福○叛卒凡四千餘人○皆俯首聽
命○及撫白艸番夷○視師邛州灌縣○皆饒方畧○蜀人爲
咏方叔○召虎焉○五年○晉按察使○乞歸○尋丁內外艱○服

閔起故官。值蜀人爲中使。丘乘雲橫斂。逮繫相屬。公
遍檄所司。俾一切得抗絕之。勿聽。又廉得好黠附中
貴爲虐者五人。斃諸法。民賴以安。轉左布政。二載。巡
撫雲南。會滇當兵燹後。公意在與民休息。不欲勤兵。
而土酋安民背漢投緬。據蠻灣。公請兵討之。斬首二
百餘級。獲安民。立其弟安靖。盡諭散其黨。而還。無何
廷推公總督兩廣。公疏請減滇南額貢黃金五千兩。
不報。立爲官買法。而酋夷交趾有越境憂兵餉煩費。
公又酌鹽贖四千餘金給之。歲大水。請賑濟。且出俸

餘爲南海番禺高要高明四會諸邑築圩隄捍災患。
作法周詳。陞南戶部侍郎。歷北工部。陞吏部尚書。值
神宗賓天。而光宗卽位。鄭貴妃邀封太后。公理論
其姪鄭養性。亟請貴妃辭封后。命辭義侃。未幾
光宗不豫。公入受顧命。明日駕崩。是時熹廟冲幼。
群情惶。僉謂先朝選侍儼然以母道自居。意曷垂
廉稱制。公首建議請。熹宗御文華殿朝賀。以定危
疑。已而駕至殿門。諸臣嵩呼畢。祈求吉登極。而選侍
猶踞乾清不出。公倡九卿科道再請聲撼內廷。選侍

怒○狀○卒○不○得○不○移○亡○何○逆○瑞○用○事○喉○私○人○孫○燕○論○公
罷○歸○尋○借○移○宮○罪○案○削○奪○迨○思○宗○立○召○起○南○京○吏
部○尚○書○踰○年○卒○嘉宗時論曰垂簾稱制事未必朕然老成憂國如公與楊左
諸公自當防危中之危要于求穩中之穩不容不總
過計矣嗚呼衆賢並力國體弘張不旋踵而借爲
罪案悲夫而

孫太宰傳

公諱瑋字以貞號藍石陝西渭南人童時有出世之
志○遇○方○外○異○人○輒○棄○家○追○隨○一○日○夢○逐○一○道○人○登○高
山○似○非○人○世○飢○甚○道○人○持○一○器○若○糜○粥○者○食○之○謂○曰
此○糊○塗○也○汝○從○此○無○神○仙○分○當○幹○世○間○事○業○耳○公○悔
甚○驚○覺○自○此○一○意○舉○業○以○萬○曆○丁○丑○成○進○士○由○行○人
選○給○事○中○以○母○病○不○候○旨○歸○降○爲○桃○源○主○簿○累○遷○至
保○定○巡○撫○嚴○法○令○剔○蠹○弊○節○浮○靡○廣○儲○蓄○摧○強○撫○弱
人○賴○以○安○時○滹○沱○水○溢○從○隸○勸○公○乘○船○以○避○公○不○可

擇署中稍高處居之。曰水至此惟有死耳。水僅及床足而退。衆服其有大臣之度。遷兵部侍郎。轉戶部總督倉場。陞兵部尚書。尋爲總憲。風紀一新。適應天巡。按御史荆養喬與督學御史熊廷弼以言事互訐。時論欲獨罷荆。公按法兩斥之。熊黨遂劾公歸里。久之起南京吏部尚書。改北刑部。復以吏部尚書銜爲都御史。甲子以老病乞歸。不允。而卒。先一日效古人尸諫。遺疏上陳內。劉一燝。鄒元標。周嘉謨。王紀。孫慎行。盛以弘。曹于汴。文震孟。侯震。滿朝薦諸賢。

陞伏草野。陛下若聽臣言。漸次簡擢。必有能任昭德。塞違之責。效拾遺補缺之長。振飭紀綱。提醒聾聵。以爲陛下收拾人心者。尤願陛下寡欲以保聖躬。勤學以進至德。優容以廣言路。明斷以攬大權。天意可回。民志可定。疏入。上不報也。亡何逆璫用事。追論削奪。公爲人器宇端凝。風神邁勁。被服造次。必於禮法。聲色貨利。一無所嗜。當官守法。務在鉏抑。疆梗惠利。小弱而不爲瑣細科條。居常恂恂。訥訥。及當大議大謀。衆莫敢發。公獨守經據古。片言取決。平生取予去就。

嚴于一介。至臧否人物。常依寬大。耻爲刻深。蓋老成
正直君子也。論曰。漢興。御史大夫與丞相侂埒重也。其可屈指數
者。周大夫昌之疆力。貢大夫禹之清直。薛大夫廣德
之敢言尚矣。公不必盡有之。而裊躬執行。從容養重。
進而議于朝。退而儀于野者。又何多遜也。跡其尸諫
一疏。惓惓懷懼。古大臣所謂以人事君者。庶無忝哉。

周文簡傳

公名炳謨。字仲覲。號念潛。南直無錫人。吏部侍郎文
恪公子。義仲子也。中萬曆甲辰進士。改翰林院庶吉
士。丁未除簡討。告歸。壬子補原職。丙辰陞左春坊左
贊善。己未陞右春坊右諭德。辛酉轉左管誥勅記注
起居。充經筵日講官。明年晉少詹事。兼翰林院侍讀
學士。擢禮部右侍郎。以纂修光宗實錄。加太子賓
客。二品服俸。以璫患告歸。乙丑卒。公爲人正直忠淳。
端重。縝密言笑無所假。念切君身。憂深國懷。攢眉折

肱如恐不及甫入仕卽疏請皇太子出閣講學比遂
左患起公援古証今開陳方畧稱引李長源策兵陸
敬輿策餉李臨淮郭汾陽策敵馮都尉策無以文吏
馭邊將娓娓千言時稱不畫其在講筵陳善責難必
根極治亂興廢之原而時寓諷諫其癸丑分較禮闈
辛酉主考北闈所得皆名士其冊封伐藩屏絕餽遺
人誦廉潔方魏璫與政朝局紛紜時有纂修之役史
館中多愒縮規避者公毅然曰先帝一月天子萬年
聖人臣子分當誦揚鴻猷敢護一官而他諉耶于挺

擊紉九諸案奮筆大書發姦甚力人服其正而疑忌
者益側目蓋事繫宮闈人情積有畸向公持議不阿
遂違時論迨璫燄益熾羣小爭指擊正人爲富貴地
御史石三畏希指論公當國者顧秉謙票擬逮問會
禮侍錢龍錫力持不可乃止公居官三十餘年恪勤
一德而屹然特立未嘗倚傍門戶有朱司馬光范祖
禹遺風孝友著於鄉閭仁義孚於邦國安貧茹淡一
介必嚴以講學爲斯道主盟從遊者日益衆而公不
屑屑以之自鳴當癸亥枚卜資望咸屬公大理卿周

應秋錦衣都督許顯純皆璫私人也。一為公同鄉。一為公武闡門下士。請為公道地。公佛然起。即具疏乞身。其進退不苟如此。崇禎二年。詔贈禮部尚書。予祭葬。諡文簡。子如璧如璽。俱博雅能文。圭秣稱之。論曰。國家自嘉隆以迄。昌啓比及百年。公卿大夫。際昇平而樹鴻駿者。不可勝數。其在吾錫。則周文恪文簡為最著。立于神廟之朝。不附權相而流芳者。文恪公也。立于嘉廟之朝。蚤忤逆璫而峻節者。文簡公也。先後四朝父子。一德譬諸作室。暨茨資于後昆。譬之種樹。梓漆食于易世。祖宗養士之効。可謂大矣。顧文恪得罪江陵。終其身不得大拜。至今父老猶傳說之。若文簡晚遭權璫。獨能秉禮守義。毅然不為屈撓。卒之迴翔史局。奉身而退。幾罹構讒。幸受主知。始終恩禮。此其正氣清標。前後一轍。又非一時都顯位擅大名。所得幾者。嗚呼。錫山巖巖。惠水湛湛。公之名。于是乎俱永矣。

曹左都傳

公名于沐字自梁號珍予山西安邑人也中萬曆壬辰進士授淮安府推官入爲吏科給事中泰昌元年由太常少卿屢遷至都察院僉都御史吏部左侍郎未幾逆奄難作公請告歸崇禎初召爲左都御史十何閣訟又起公據經守正力爲糾止久之再疏乞休得旨歸里甲戌正月卒於家得年七十有一公爲人孝弟忠信明允篤誠望之如太山喬嶽而卽之如和風暄日立朝務持大議當事務存大體論人務取大

節○主○張○名○教○扶○養○風○義○愛○惜○善○類○而○於○僉○人○邪○黨○有
所○彈○劾○處○分○未○嘗○不○惻○然○如○傷○一○言○之○可○採○寸○長○之
足○錄○必○加○引○進○其○或○反○唇○相○譏○操○戈○入○室○則○皇○皇○引
咎○自○責○與○肝○胎○馮○公○應○京○同○舉○進○士○以○聖○賢○之○學○相
鏃○礪○居○家○老○屋○三○間○不○蔽○風○雨○席○門○葦○簾○含○菽○飲○水
端○居○參○窈○羣○萃○扣○擊○春○星○秋○霜○移○日○分○夜○壯○而○仕○老
而○休○終○其○身○於○學○問○之○中○爲○諸○生○時○講○求○兵○農○錢○賦
邊○防○水○利○之○要○與○馮○公○討○經○世○實○用○書○強○半○出○諸○腹
筭○爲○司○李○護○陵○寢○擒○劇○盜○爬○搔○淮○泗○開○利○病○其○舉○而
措○之○者○也○在○省○垣○論○秦○皆○關○天○下○大○計○居○憲○府○雙○簾
倚○戶○百○僚○肅○然○有○顧○太○康○之○風○遲○重○寡○言○人○或○以○衰
晚○甘○之○及○比○兵○薄○都○門○論○孔○且○數○十○下○條○對○商○摧○不
移○漏○刻○詰○奸○警○備○旋○至○立○應○精○彊○少○年○皆○斂○手○歎○服
知○爲○有○用○之○學○平○居○薄○嗜○慾○勇○辭○讓○進○禮○退○義○不○失
尺○寸○當○少○宰○之○雅○也○越○馮○恭○定○而○用○公○小○人○設○械○欲
藉○是○而○擠○之○公○固○讓○不○可○不○旬○日○堅○請○去○小○人○卒○無
以○傷○公○其○沉○幾○先○物○不○俟○終○日○皆○此○類○也○公○死○門○人
錢○宗○伯○謙○益○表○其○墓○蓋○與○黨○命○餘○命○云○所○似○三○十

論曰余觀公之生平蓋與黨論相約始云俛仰三十
年間雄唱雌和黨同伐異以宮府爲城社以婦寺爲
窟穴馴至朝野震動衣冠塗炭而以人之國爲孤注
然而丁卯之閣禍卽辛亥黜幽之伏戎也戊辰之閣
訟卽丁卯媚閣之遺種也公剪其勾萌撞其機牙卒
至屢進旋退不得究其大用而世道之剝復因之豈
非君子之所闢者重賤虞山先生之論公有曰公之
爲學惟仁與誠騶虞之不殺鳳皇之不搏仁也春風
之解凍夏雨之解暘誠也仁則無我好賢疾惡皆一
體也何惜乎黨議誠則無僞方內直外皆天則也何
畏乎學禁知師莫若弟信夫

余尚書傳

公諱懋衡字平伯婺源人萬曆二十年進士知永新縣勤吏事間與諸生講學合紫陽新建之說一以躬行爲本土多宗之入爲山西道御史屢疏請講學勤政三十一年巡鹽長蘆立開掣之法嚴苞苴之修而礦璫怙寵欲撓鹽法擾民事公力鋤去之三十四年巡按陝西稅璫梁永尤橫公每事裁抑永恚陰遣厨人酖公厨人賢公不忍殺乃薄其酖得不死事覺公遂抗章劾永罪狀因言邊地易動難安兇徒罪大惡

極○法○振○於○上○則○爲○威○威○不○可○褻○變○起○于○下○則○爲○亂○亂
不○可○生○陝○西○十○萬○之○稅○皆○係○各○州○縣○裁○役○夫○勒○牙○戶
括○間○架○徵○蔬○果○剋○廩○膳○剝○軍○需○以○克○之○搜○索○無○遺○公
私○告○匱○陛○下○撫○有○天○下○奈○何○使○聚○斂○之○小○人○壞○平○明
明○之○治○也○疏○入○不○報○永○自○是○稍○戢○隨○奉○命○閱○視○延○綏
固○原○條○邊○政○十○事○皆○鑿○可○行○尋○丁○憂○四○十○年○起○補
河○南○道○御○史○明○年○遷○大○理○右○丞○復○以○憂○去○家○居○八○年
天○啓○改○元○起○原○官○明○年○進○大○理○左○少○卿○尋○命○協○理○京
營○時○廣○寧○破○公○請○增○諸○隘○口○戍○兵○運○芻○糧○入○城○修○垣

浚濠堅壁無動改右僉都御史協理如故再遷右副
都御史協理院事時趙公南星掌院與公交歡南星
鋒稜嚴毅公稍調和之臺綱秩然會當內計公上計
典七條皆切時弊有詔褒荅著爲令明年進兵部添
設右侍郎闕外山東黔蜀大司馬董漢儒諸事倚藉
之魏忠賢漸用事撓兵政公岸狀不爲動有債帥賂
忠賢求遷公力持不可是時廷臣多欲起李三才向
與三才爲難者惧其復入倚忠賢阻之而忠賢又恨
公會南吏部尚書缺吏部以三才及公名上遂越例

降旨以公爲南吏部尚書言官交章請留報可公力
辭且以病請許之明年忠賢矯旨奪官爲民崇禎初
復原官二年卒贈太子少保○
論曰公自爲御史時卽與礦稅兩璫樹敵幾以身殉
及爲卿貳逆焰方張執法不撓卒以去國意其人必
好剛使氣者流而公固學道人也尚醇修敦實學德
高山岳品重林泉其亦近代以來名卿罕見者哉



465

